

1 KORINTO BATII

Kukū Kasale Ko Di Paulo

Lakpana Aata Ni Korinto Batii

¹ Ami, Paulo wɔ bεεlεε ni di Yaa dibiesaa suoto ale kale ni Yesu Kristo tøkyentε, ku obiloo Sostene nikokpana ye kukū ko mmle.

² Buɔkpana kukū ko mmle munta bafūbanutε ba ninkpe ni di Korinto, di Yaa lelεε εεbla ni batii klekle. Dife ni di Yesu Kristo onwii ɔbla kame, ku batii ba bamuu ninsumu ni Saate loo Yesu Kristo kaakɔ biala. Ale ma ni Saate ku awoo Saate loo.

³ Buɔkaalε Teewo Yaa ku Saate Yesu Kristo sibuale ku suoto lεyɔɔ munta ye.

Yaa Ata Wo Asaa Biene Ta Yesu Kristo Oso.

⁴ Obe lele mpe Yaa nii sεfa diisi lee, ta sibuale se atɔɔta ye ni diefe ni di Yesu Kristo kame oso.

⁵ Ta onwii lee ɔbla ku Kristo oso, bitoomuɔ di asaa amuu kame, kyenkye di lεkakate lee ku lesaatofo kame. ⁶ Yesu Kristo olaa wɔ mmle ntɔɔwε kasiε kaamε lee osie kanya. ⁷ Nle mmle oso, bitɔɔwε ninwuna kame lεtasaa biala di obe wɔ bisi bionyu osuku bile Saate Yesu Kristo makple anwa nii. ⁸ Abaklee ye kafɔɔ osie kanya anaase kaanyentelekɔ, ale bilaakpi lεpɔɔ di dii le di Saate Yesu Kristo makple anwa nii. ⁹ Yaa wɔ niɛlεε ye εεbla ye ni onwii ku obi nɔɔ wɔ ninle wo ni Saate Yesu Kristo, nnwɔɔ nimbla asaa di osuku kanya nε.

*Bilolaa Suoto Binyu Nwaa Ale Kase Kukanwii
Dilabasie Ye Nintee.*

¹⁰ Babiloo, kɔyɔ Saate Yesu Kristo ntikiti ye lekoto osie kanya nle, bibla kanya kanwii, ale kase dilababuo ye nintee. Bibla onwii niimu kame ku disibu ninwii, ku assaa ya biomie ni suoto. ¹¹ Kobue ɔlaa wɔ mmle babiloo, diekye batii bawo di Kloeyo kame ntɔɔtεs letoko klekle ale kalɔ nfε nsi ye nintee. ¹² Lesaa le nlaka ni ninle ale bamuu lee biobue selaa ate ate. Bawo ale, “Ami, Paulo ntikanko.” Obamba kafɔɔ ale, “Ami, Apolo ntikanko.” Obamba kafɔɔ ale, “Ami, Petro ntikanko.” Obamba kafɔɔ ale, “Ami, Kristo ntikanko.”

¹³ Kɔkaalε ye nle batɔɔse Kristo di akudi kanya? Sεε Paulo baapε baakaasa koowoso suoto diisi lee? Sεε Paulo leyooto kame baakpeesa ye Yaa ntu? ¹⁴ Kɔρε Yaa sefa ale ntakpeesa kuonwii lee Yaa ntu, diediki Krispo ku Gaio lete. ¹⁵ Nkpo oso otii kuonwii dilabafuo obue ale di leyooto nii kame baakpeesa nwɔ Yaa ntu. ¹⁶ Ehεε, ntoonyuma nle lakpeesa Stefana leyooto batii kafɔɔ Yaa ntu. Mma nkpo kamaa, noosinyuma nle lakple lakpeesa batii bamba Yaa ntu. ¹⁷ Kristo diekpee mi ale makpeesa batii Yaa ntu. Kafɔɔ eekpee mi ale kabue ɔlaa biene nwu nkpo. Se diele nkpo, ni osie kuonwii diesinsi di Yesu Kristo kukpi nwu nkpo di kowoso suoto.

Kristo ɔlaa Ninle Yaa Osie Ku Ninumbe.

¹⁸ Kristo kukpi di kowoso ɔlaa nwu nle obuulaa kuɔta batii ba nikɔwɔɔ nii. Kafɔɔ awo ba nintɔɔwε ni didiki, Yaa osie kule kuta wo. ¹⁹ Di Kɔkpana Klekle Kukũ kame, Yaa lebuε ale,

"Kamawɔɔsa banumbente dinumbe.

Kamakyisa kafɔɔ bakunyentε dikunnye
kafɔɔ nte di ɔloko."

20 Ni ɔfe nfe di numbente nkpe? ɔfe di basaatuote nkpe? ɔfe nfe di kayi ka mmle selaa bananfite kafɔɔ nkpe? Ni dilootuo ale ni Yaa ntoodiki kayi ka mmle ninumbe eetuo ale diele lesalesaa? **21** Yaa lefe di ninumbe nɔɔ kame ale batii batantofo nwɔ di mma bamu ninumbe lema kame. Kafɔɔ diefe ni di obuulaa loo nwu buobue ni kame, dile Yaa ale oofe nwu kaame andiki batii ba niefū nwu beenu nii. **22** Yuda batii komie sekpe se niɛbla ni ɔkpε ale bɔɔnya. Hela batii kafɔɔ komie ninumbe. **23** Kafɔɔ awo yi, Yesu wɔ baare baakaasa ni koowoso suoto ɔlaa nwu buobue. ɔlaa wɔ mmle kototofo Yuda batii siit. Kule obuulaa kafɔɔ kuɔta batii ba ninanle ni Yuda batii. **24** Di batii ba di Yaa lediki ni bale ni Yuda batii ku Hela batii nfū yi, ɔlaa wɔ mmle ninle Kristo ne, ale ni Yaa otumi ku Yaa ninumbe. **25** Diekye lesaa le baatii kɔɔnya ale dile ni Yaa dibuu yi, dilenke batii ninumbe. Nkpo kafɔɔ di Yaa ɔsaabla wɔ nikotuo ale Yaa nnaa ni osie yi, kukpe osie kulenke otii ole.

26 Babiloo, binyuma batii ba biale ni fie di Yaa lalεε ye in! Di batii anu, batii le kpinwu ditale banumbente ku basiente. Ee bikye kɔna ko niefī ni kame. **27** Kafɔɔ Yaa omu niɛtε eediki asaa ya kaayi batii kɔɔnya ale abuusaa ale nii, ale ɔɔyɔ ankpee banumbente sinunso. Ni eediki asaa ya kafɔɔ kaayi batii kɔɔnya ale anaa ni ɔnyεε ale ɔɔyɔ ankpee basiente sinunso ne. **28** Diekyakaa nii, Yaa lediki asaa ya kaayi batii ninambu baakpee ni lesalesaa kame, mannyu ni nyakataa

ale ɔɔyɔ anwakosa lesaa le baatii konyu ale diefi ni kasɔ. ²⁹ Nle mmle kotuo ale otii kuonwii dilaafuo suoto katoo ɔtakatesa di Yaa anu. ³⁰ Yaa nieta ale biebla onwii ku Kristo. Ni di Yaa nwu leta Kristo nkpo lekple wo ninumbe nε. Eefe di suoto nɔɔ εeta wo lebε, εεbla wo klekle. Ni buokple Yaa batii tinini nε. Εeta koto diisi loo eediki wo eekyeko sikpile kame. ³¹ Nle mmle oso di Kɔkpana Klekle Kukū lebue ale, “Otii lele niale ɔɔkanta, akanta di lesaa le di Saate lebla ni suoto.”

2

Paulo Layie Kristo Wɔ Baape Baakaasa Ni Koowoso Suoto, ɔlaa Lekya.

¹ Babiloo, obe wɔ lawa ye ni ɔkye nle koyie ni Yaa owofalaa biene nwu lekya nta ye nii, ntayɔ ɔnyamenefε ee kayi ninumbe nkakate nta ye. ² Obe wɔ lawe ni di ɔkye lee, labla nle lesalesaa ditansie mi diisi kame, dilenkee Yesu Kristo wɔ baape baakaasa ni koowoso suoto ɔlaa. ³ Nkpo oso obe wɔ lawa ni ɔkye lee, ntawε ɔnyee. Leyeke ku ditütükū layii mi kame pɔ. ⁴ Nioso bianya bile asaa nii otuo ku ɔlaa nii obue ditakye otii ninumbe ku ɔnyamenefε kame. Kafɔɔ ɔlaa nii obue ladiki diatuo mmle di Yaa Ninwuna otumi kule ni nwaako. ⁵ Nle mmle oso, ofū onu lee dietika di otii ninumbe suoto, kafɔɔ di Yaa otumi suoto.

Yaa Ninwuna N-ye Asaa Amuu Di Yaa Suoto.

⁶ Nwaako, mbue ninumbe ɔlaa nta batii ba nintoomuo ni niinwuna kame. Kafɔɔ diele ninumbe le niekye ni kayi ka mmle kame, ee

basientε ba nikole ni sekε kaayi ka mmle, di ɔnyεε lema kɔwa ni kaloo. ⁷ Ninumbe le ɔlaa kobue ni ninle Yaa ninumbe le bεεyɔ beekookaa ni batii, Yaa omu lεtε ale, abayɔ antakatesa wo ni katoo fie bia εεbabla ni kayi. ⁸ Kayi ka mmle batunletε kuonwii dieye ninumbe le mmle. Diekye nse oye baye, nse baape leklekle Saate nwu bakaasa koowoso suoto. ⁹ Kafɔɔ Kokpana Klekle Kukū lebue ale,

“Lesaa le di otii kuonwii diinya nii,
ee anu nii,

ku nle di otii kuonwii diibu diisi ale diawa nii
nni ninle lesaa le di Yaa lelolaa εεtε εeta ni
batii ba nimboombɔɔ nwɔ ni ne.”

¹⁰ Kafɔɔ awo Yaa lediki awofasaa nɔɔ kayi eetuo
wo diefe ni di Ninwuna nɔɔ suoto.

Yaa Ninwuna nwolaa lesaa biala kamε klekle. Anwolaa bia Yaa awofasaa ya niekyofo nii, antofo. ¹¹ Fe mmle di otii ninwuna le ninsi nwɔ ni kaame n-ye ni otii nwu nkpo lesaa biala, nkpo okle kafɔɔ di Yaa Ninwuna n-ye lesaa biala di Yaa suoto ne. ¹² Awo yi, diele kayi ka mmle ninwuna bεεta wo. Kafɔɔ Ninwuna le niekye ni Yaa nfū bεεta wo ale, buafuo asaa ya di Yaa lεyɔ εeta wo ni ku sifutule nɔɔ kasɔ onu. ¹³ Nle mmle oso, diele kayi ka mmle ninumbe asaa ya baatii kotuo ni kamε mun-yɔ munkakate mutua ye. Kafɔɔ asaa ya di Ninwuna ntuo nii, ale, buadiki nwaako ɔlaa wɔ ninsi ni Ninwuna nwu kamε muntuo batii ba Ninwuna nwu nsi nii. ¹⁴ Otii lele kamε di Yaa Ninwuna le mmle diesi, dilabafuo Yaa Ninwuna kamε letasaa ofū. Sibuulaa sile sitɔɔ. Alabafuo sī kasɔ kafɔɔ onu, diekye otii wɔ kamε di Ninwuna nwu nsi ni lete nimafuo otofo ale,

lətasaa nwu lesaa finle dile. ¹⁵ Otii wɔ di Yaa Ninwuna nsi ni kaame, anfuo asaa amuu ḡonya ɔtə nsū. Kafɔɔ batii ninfuo nwɔ ḡonya ɔtə nsū.

¹⁶ Kōkpaa Klekle Kukū lebuə ale,

“Otii kuonwii dieye Yaa disi kamε.

Kuonwii kafɔɔ dilabafuo nwɔ lesalesaa otuo.”

Kafɔɔ awo yi, Kristo disibu nsi wo kaame.

3

Yaa Bakpemblade Bule.

¹ Babiloo, nwaako katɔkɔ ye nii, namafuo ye ɔkakateko fe batii ba di Yaa Ninwuna kōkpaa nii. Kafɔɔ dikpe ni ləkakatε ko ye fe batii ba niekple basi ni di suoto sina kamε. Biekple bile ni babisɔ di Kristo ofū onu kamε. ² Asaatu ya latuo ye ni nte fe nnyεε ntu lata ye biayεεfu. Diele alesaa nutūle. Bia nunua wɔ mmle kafɔɔ bilabafuo nya ole. ³ Diekye biekple bisi nkpa fe kayi ka mmle batii diisibu lee kamε. Nse biɔsεesa anu baawo suoto kaame lee, minanfi nlɔ, nle mmle letē dilootuo ale bisi nkpa fele kayi batii, ɔsaabla lee ku alema diekaate? ⁴ Nse onwii lee kobue ale, “Ami, Paulo ntikanko,” di ɔbamba kafɔɔ kobue ale, “Ami, Apolo nitkanko,” ni bilɔɔbla asaa fe mmle di kayi batii mbla ni di suoto sina kamε?

⁵ Di asaa ya mmle kamε, owe ninle Apolo? Owe kafɔɔ ninle Paulo? Yaa bakpemblade ko bule. Biefe di suoto loo biefū bienu. Di kamε loo yi, obiala loo kɔbla ɔkpe wɔ di Saate lətɔɔ ale abla nii. ⁶ Ami yi, dibi ko lεpε. Apolo kafɔɔ lekpete ntu. Kafɔɔ Yaa ninta dibi nwu bεεpε ni mmuɔ. ⁷ Nle mmle oso, otii wɔ niεpε ni

ku otii wō niɛkpete ni ntu yi, diele mma niefī. Kafōo Yaa niefī, diekye nnwōo ninta dibi nwu bεεpε ni mmuɔ. ⁸ Kase kukanwii diesi di otii wō niɛpε ni ku otii wō niɛkpete ni ntu kame. Yaa makusəkusəsa obiala ləma di ɔkpε wō εεbla ni kanya. ⁹ Diekye Yaa bakpemblatəwo bule. Ayee, Yaa kofe bile buɔkpε. Biekple bile Yaa leyo.

¹⁰ Di Yaa sibuale se eele mi nii, lese lesɔse biene fe ayotofote biene. Ni di otii bamba kotofo antika ne. Kafōo otii lele nimatofo antika, alolaa anyu nwaa di mmle okle ootofo antika ni. ¹¹ Diekye Yaa ntɔɔyɔ Yesu Kristo eese fe lesɔse le lete suoto baatofo mantika nii. Nioso kuonwii dilaasinfuo lesɔse bamba ose. ¹² Nse otii owo letoko eetika di lesɔse le mmle suoto εεyɔ koto sεele, ee koto fututu, afuɔ ya niefū ni kɔya, sewoso ee katii ku sεfa bamba sewo, ¹³ babadiki otii biala ɔkpε wō εεbla ni kayi di lεkankoyi nwu suoto. ɔtɔ babayɔ mandiki nwu kayi mantuo. ɔtɔ babayɔ mansɔ otii biala ɔkpε mannyu, mannya nwu lεlε. ¹⁴ Nse lesaa le bεεyɔ beetofo ni leyo nwu di lesɔse nwu suoto lefuo ofe di ɔtɔ nwu kame ninanfie, ni leyo tofote nwu mawε letota biene. ¹⁵ Kafōo nse otii owo leyo atofosaa noɔ ya εεyɔ eetofo ni leyo nwu nkpo lefie, ɔlɔbawε letota kuninwii. Kafōo abawε didiki fe otii wō nietoso eedie ni di ɔtɔ kame.

Aye Ninle Yaa Olekatakɔ Klekle Nwu Ne.

¹⁶ Nwaako biye bile aye ninle Yaa ole Katakɔ. Yaa Ninwuna kafōo nsi ye kaame. ¹⁷ Nioso nse otii owo lεlalaasa Yaa Olekatakɔ nwu, Yaa kafōo malalaasa nwɔ. Diekye Yaa Olekatakɔ nwu nte klekle, aye ninle nwɔ Olekatakɔ nwu ne.

¹⁸ Kuonwii lee atakyɔnkyɔ suoto. Nse onwii lee konyu ale ale numbente di kayi ka mmle yi, niaabla suoto buute di batii anu, ni abakple mumbente di Yaa anu. ¹⁹ Diekye kayi ka mmle ninumbe nle dibuusaa di Yaa anu. Nioso di Kɔkpana Klekle Kukū lebue ale, "Banumbente bamu disibu di Yaa n-yɔ andiki ma di okū." ²⁰ Beekple bɛεkpana ale, "Saate n-ye ale banumbente disibu nle kasakasa." ²¹ Nle mmle oso, dinaa ale otii owo nkanta di lɛsaa le baatii kafuo ni ɔbla suoto ne. Diekye nwaako, lɛsaa biala ale ye ale. ²² Mintə Paulo wo, Apolo wo, Petro wo, kayi ka mmle wo, kukpi wo, nkpa wo, lɛsaa le ninkpe ni nunua wo, ee nle nimawa ni wo, amuu aleye ale. ²³ Ni Kristo bale bile, Kristo kafɔɔ Yaa ole ale.

4

Mumbla Kristo ɔkpε Ku Otu Biene.

¹ Bitoobu wo fe Kristo batɔkyɛntε ku batii ba bɛεyɔ Yaa owofalaa nwu beekpee ninneε ale batoonyu ni. ² Lɛsaa ninwii le niefī ni di basaanyunte nwu nkpo suoto diɛta ni Saate lema ninle ale, bɛεbla ɔkpε lema ku otu biene. ³ Nunua wɔ mmle, ninklesī ale aye ee otii bamba kakankoe di kayi ka mmle ninumbe kanya. Ninkanko suoto nii ami omu bia. ⁴ Otu nii diloolo mi lɛpɔɔ kuninwii. Kafɔɔ, nle mmle, dilootuo ale ntoole lebε di okpile suoto. Diekye Saate nwu ninle mi kante. ⁵ Nkpo oso, bitankanko kuonwii fie di obe biene nwu kuwo. Nse obe lewo di Saate nwu lɛwa, nnwɔɔ nimakanko otii biala di dii yɛntεle nwu nkpo suoto. Nnwɔɔ nimadiki

ditunu kame asaa ya beekookaa ni kayi ku batii disi kame awofasaa ya beekookaa ni antuo. Nfa nfe di obiala mafū katansa ka nieseko nwɔ ni ankyeko Yaa nfū ne.

⁶ Babiloo, mmle bianu ni selaa se kobue ni kasɔ oso, leyo ami ku Apolo lebla ṣe onyu leta ye, ale biatekete lesaa minkyeko wo ɔkye, minnu selaa se mmle kasɔ ale, "Bibla asaa di osuku suoto." Nle mmle oso, bitantakatesa otii onwii katoo bialenkeesa ɔbamba. ⁷ Owe niεbla fɔ otii finle? Be lesaa ninkpe fɔ ninanle Yaa nieta fɔ. Ni se Yaa nieta fɔ mɔ, ni be lesaa oso fɔtakatesa suoto katoo fe le afɔ omu nimba?

⁸ Ee bitoomie kofokofoko? Nfe bile basaawente kofokofoko? Seka nfe birole munansi kaame ne? Awoo! Dile mi dibiesaa ale baabue ale seka nfe bioole kofokofoko ale awo kafɔɔ bualeko ye sī fie! ⁹ Diekye dite mi fe awo batɔkyente, kasiɛko yentele di Yaa leyo εeta wo, fe batii ba beelo ni kukpi lepoɔ ale baalo wo di nnle anu. Butookple kɔkyɔ lekpeesaa di kayi ku Yaa batɔkyente anu. ¹⁰ Kristo oso butookple babuutε, kafɔɔ aye bitookple banumbente di owii lee ɔbla ku Yesu oso! Awo butookple batii ba ninsinnaa ni ɔnyee, kafɔɔ aye bitookple basiente. Awo buodie lesalesaa baatii anu. Kafɔɔ aye bitɔɔwε dibu. ¹¹ Diebase ni bia nunua wɔ mmle, kɔka ku otukɔnsɔ koklee wo, awu bεbεele kame busi. Batii kɔpε wo amumu kanya. Bunaa bia kasiɛko. ¹² Buɔbla ɔkpε osie kanya munnyu suoto. Nse batii lekpaani wo, awo munkusekusea ma. Nse beetikanko wo kafɔɔ, munkpee otu. ¹³ Nse batii letufa wo, muntufa buakyisa. Butookple lefleku ku diku lensaa buɔta batii kaayi nunua wɔ mmle.

¹⁴ Diele sinunsə komie nle nkpee ye oso kôkpana kukū ko mmle nkyesee ye. Kaf o komie nle, n-y o nka ye f e babi ba nimb omb  nii. ¹⁵ Diekye kunt  bikpe batii nkpe lefosi nikonyu ye ni di of  onu lee nkpa kam , kote kunwii ko kule ye. Diekye onwii lee  bla ku Kristo di nkpa lee kam , ami ninle ye kote lay   laa biene nwu nkpo lawa ko ye nii.

¹⁶ Nkpo oso, kotikiti ye lekoto nle biatikanko  saabla nii nkpaamaa. ¹⁷ Nle mmle oso kokyesee ye Timoteo, nw  ninle mi ni obi b omb te di Saate kam , ambla ni lessaa di osuku kanya nle, awa abanyumasa ye Kristo nkpa f le osuku w  latikanko nii, ninle nle kotuo ni di baf banute nsisak  mmuu, kaak  biala.

¹⁸ Batii bawo kaam  lee nt otakatesa suoto kotoo, diekye boonyu ale noosinwa ye  ky   wa.

¹⁹ Nse Saate letuna, kamawa manyu ye di obe kakuii owo kam . Ni kamatofo otumi w  nik bla ni  kp  baatii ba nik takatesa ni suoto katoo kam  ku selaa se boobue nii. ²⁰ Diekye Yaa s ka kalek  diele selaa fukuti obue lete, kaf o ku otumi. ²¹ L menle biomie? Nwa ku kawesee   ,    nwa ku l b omb  ninwuna ku otu  te kaas ?

5

Aye Baf banute, Bidie Les nokpee Kaame Lee.

¹ Nunua, batii kobue klekle ale, batii bawo kaam  lee k te mankpee as n  osie kanya. As n  ya okle bookpee nii, bia bafi te dilabakpee nya okle. Be et ko mi ale, osu to onwii kaam  lee kotenko ote  so fo! ² Ni be lessaa oso bi takatesa suoto katoo? Kaku bia dikpe ni mintoowi.

Mindiki otii wɔ niɛbla ni lɛsaa nwu nkpo okle kafɔɔ di aye bafūbanute lee kame. ³ Mintɛ lekyo ye fanfa munɔɔnya bawo di suoto sina kame yi, nsiko ye di ninwuna kame. Ntoolo otii wɔ niɛbla ni okpile wɔ mmle lɛrɔɔ kofokofoko di Saate loo Yesu Kristo leyooto kame. ⁴ Nse biesi di Saate Yesu Kristo leyooto kame, nsi ye kaame di ninwuna kame, ni Saate loo Yesu Kristo otumi kafɔɔ nsi ye kaame. ⁵ Nioso bidie otii nwu nkpo suoto sina nɔɔ bikpee di Abonsam nnɛɛ kame aawɔɔsa sī, ni ninwuna nɔɔ kamawɛ nkpa di Saate Yesu Kristo dii nwu nkpo suoto abakanko ni batii.

⁶ Dinaa ale mintakatesa suoto katoo. Sɛɛ bieye bile lɛwɔɔobi ninwii kafuo ɔta ale kutu kumuu nlalaa? ⁷ Nkpo oso biklee lɛwɔɔobi buule kpile nwu bidiki kaame lee, ni bibakple awɔɔobi ya ninle nii. Fe mmle okle n-ye ye nii. Diekye batoolo Okpi Diisi Ofe loo lefosobi le ninle ni Kristo nwu. ⁸ Nkpo oso bitanta buale Okpi Diisi loo Dii le mmle ku kutu ko di lɛwɔɔobi kofole ninwii lɛlalasa ni ninle ni okpile ku disi osie assa ya mumbla nii. Kafɔɔ bita bulé dii le mmle ku bloblo wɔ di lɛnyanka diesi ni dile ni leklekle ku nwaako ɔlaa.

⁹ Di kukũ ko lakpana lakyesee ye ni kame, latɔkɔ ye nle bitambla onwii ku batii ba nikoppee ni asɔnɔ. ¹⁰ Diele batii ba ninanfū banu bookpee ni asɔnɔ, bakpe ni onumbɛbɛɛ, bale ni bayu, ku mba ninkɔtɔ ni afio kaayi ka mmle nlaka. Nse mma nlaka, ni dikpe ni mindie kaayi ka mmle kenke. ¹¹ Lɛsaa le komie nle ntuo ni ninle ale, nse onwii lee kaame lee kobue ale eefū Yaa eenu,

fie ookpee asɔnɔ, ee ale numbɛbɛɛtɛ, ee ɔɔtɔ afiɔ, ale otii wɔ nimbudi ni batii kanya, ee ale tasiɛntɛ ku yu, bitambla onwii ku nnwɔɔ. Bitankpee kɔnɛɛ kaasɛfɛ kanwii bia bialeko nwɔ alesaa.

¹² Diele ɔkpɛ nii kule ale kakanko batii ba ninkpe ni kaayi, Yaa nimakanko ma. Ni diotuo ale buaakanko batii ba ninle ni Yaa batii wo loo di kasiisakɔ loo kame? ¹³ Fe mmle di Kɔkpana Klekle Kukũ lebue nii ale, “Bitososa otii kpile bidiki kaasiisakɔ lee kame.”

6

Dikpe Nii Ale Bafūbanute Lelolaa Bawo Ntɛɛ.

¹ Nse onwii lee kaamɛ lee lɛwɛ ɔlaa ku Yaa otii wo nɔɔ, be oso di onwii n-yɔ ankyɛnko kayi batii nfū ale, babue ɔlaa nwu bata ma, manan-yɔ bawako Yaa batii wo lɛma nfū ale baabue manṭa ma? ² Sɛɛ bieye bile Yaa batii biene makanko kayi batii? Ni mɔ, nse bibakanko kayi batii, ni biesiɛko ale biabue selaa pitipiti? ³ Bieye bile awo bafūbanute bubakanko Yaa batɔkyɛntɛ? Ni be oso munaafuo kayi selaa pitipiti se mmle obue.

⁴ Ni be oso se selaa se mmle okle lebue ye nintɛɛ min-yɔ minkyɛnko kayi batii ba di bafūbanute nimbu ni? ⁵ Kobue ɔlaa wɔ mmle n-yɔ nkpee ye sinunso. Ni otii kuonwii nnaa ye kaamɛ eebe ni anu ale aabue selaa se mmle anta ye ni, ⁶ oso nse otii owo lɛwɛ ɔlaa ku owo nɔɔ, an-yɔ ankyɛnko kayi batii ale babue bata ma?

⁷ Biɔnya minkpaa bawo lee minkyɛnko ni nkanko kamaa, diotuo ale ofū onu lee lɛwakaso. Fe bafūbanute, be oso nse onwii lee lɛbla owo okpile anaakpee otu adiɛ nwɔ ale, aakpee nwɔ

kanya? Nse onwii lətafaa owo kafčo anaadię nwč? ⁸ Kafčo, aye bamu bia nikobla bawo sikpile, nin-yu bafubanute wo lee asaa. ⁹ Sęs bieye bile batii ba ninanklekle ni dilabakyę Yaa kafa? Bitanta otii kuonwii lakyonkyę ye! Batee-teetę ee batii ba nintę ni afičee basconokpeeteę ee basučto ba nintenko ni basučto wo lęma, ¹⁰ ee bayu ee banumbebeęte ee batasięte ee balontę ee batii ba nimmaa mansię ni diisukukč manfū ni batii asaa, kuonwii lęma dilabakyę Yaa kafa. ¹¹ Nkpo okle baatii lee bawo biate saa nę. Kafčo nunua, batookpeesa ye ntu, beefoto ye beediki siikpile lee kamę. Batčobla ye Yaa batii ba ninte ni tinini, bęeta ye lębe di Yaa anu diefe ni di Saate Yesu Kristo ku Yaa Ninwuna Klekle suoto.

*Bibla Suoto Sina Lee Klekle. Bięyc Bitakatesa
Yaa Leyooto Katoo.*

¹² Otii owo mabue kaame lee ale, "Nkpe osuku mbla lesaa lele." Nwaako, kafčo diele lesa lele ɔbla ninle dita fo. Kafuo obue nle, "Nkpe osuku mbla lesaa lele." Kafčo namata lesalesaa ɔbla dile mi saate. ¹³ Otii bamba kafčo mabue ale, "Kafutu oso bęebla alesaa, alesaa kafčo oso bęebla kafutu." Nwaako kule, kafčo Yaa mata asaa ya mmle anyč nfe. Baabla suoto sina ale baayo mantookpee ačonč. Kafčo bęebla sī ale baayo mamblako Yaa ɔkprę. Ni Yaa mata suoto sina lesaa le niefi sī nii. ¹⁴ Yaa latakatesa Saate aakyeko bakpi kamę, nkpo okle kafčo abayč osie nōc antakatesa awo kafčo nę. ¹⁵ Biye bile suoto sina lee, Kristo suoto sina aba ale. Nioso diele ale faayo Kristo suoto lęba lewo fambla onwii ku otii wō ninle ni sęnokpeeteę. ¹⁶ Biye kafčo bilę

nse otii leye suoto nco eεbla onwii ku sɔnɔkpheete owo, atɔɔbla onwii ku nnwɔɔ di suoto sina kame. Kɔkpana Klekle Kukū lebuε ale, “Banyo lema babakple suoto sina sinwii.” ¹⁷ Kafɔɔ otii wɔ niɛbla ni onwii ku Saate, manko nwɔ batɔɔbla onwii di Ninwuna kame.

¹⁸ Bisī lesɔnɔkppee. Okpile bamba lele di otii lebla, kúnnyila nwɔ di suoto, kafɔɔ otii wɔ ninkpee ni asɔnɔ, mbla okpile di mnɔɔ omu nco suoto. ¹⁹ Bieye bile suoto sina lee, Niwuna Klekle le ninsi ye ni kaame, di Yaa leta ye ni kasiɛkɔ dile? Diele aye nimba suoto Yaa bale bile. ²⁰ Diekye Yaa laya ye ku kɔya kples. Nkpo oso biyɔ suoto sina lee bibla asaa ya nimatakatesa ni Yaa leyooto katoo.

7

Kóka Di Sesa Ku Sesefo Suoto.

¹ Nunua, diekye ni kukū ko biakpana biakyese mi ni suoto, kobue ntɔkɔ ye nle, nse osuɔtɔ owo nsi eesī ɔsanko ɔyɔ, eelolaa eεbla nwaa. ² Kafɔɔ ta mmle okle di lesɔnɔkppee mpɔ ni oso, osuɔtɔ biala awɛ ɔsɔfɔ nco omu, di ɔsanko biala kafɔɔ awɛ ɔsa nco omu. ³ Dikpe nii osuɔtɔ lebla lessaa biala le niesisko, diefī nii, εεta ɔsɔfɔ, nkpo kafɔɔ dikpe nii ɔsanko kafɔɔ lebla εεta ɔsa ne. ⁴ Diekye ɔsanko sante suoto diele lete nco sele, kafɔɔ manko ɔsa nco sele sile. Nkpo kafɔɔ di osuɔtɔ suoto diele lete nco sele ne, manko ɔsɔfɔ sele sile. ⁵ Bitansī bawo di ote kame, diediki akyuulee anyɔ nietuna bielesa katū bile, biodiki obe owo minsie, mimpe ɔlaa minta Yaa. Di nni nkpo kamaa, biakple mimbla onwii di ote kame wla.

Nse biεbla nkpo ni bilababuo di Abonsam okū nwu kame, ta mmle minanfuo ni suoto olenkee di ote kame oso. ⁶ Nle mmle diele kofiofa kokpee ye, kafɔɔ disibu lewo dile kota nkyakaako ye. ⁷ Nwaako dile mi dibiesaa nlɛ, bamuu lee biate fe mmle nte ni fie. Kafɔɔ obila lee lefū lεkyesaa lewo eekyeko Yaa nfū. Otii biala lεkyesaa lekyi lete di owo nɔɔ lele suoto.

⁸ Nunua di mba ninayiyo ni asa ku basanko ku bakpisɔfɔ suoto yi, kɔtɔkɔ ye nlɛ, dile ale biate fe mmle nte nii, ale, biεyɔ asa ku basanko. ⁹ Kafɔɔ nse bilabafuo suoto omufū osie kloklo, ni biεyɔ asa ku basanko. Diekye dile dilenke ale biayɔ asa ku basanko ale biatookpee asɔnɔ.

¹⁰ Di basa ku basɔfɔ suoto yi, kokpee ma Saate kufiofa ninanle ami omu kufiofa kule ni. Dinaa ale ɔsanko lesi ɔsa. ¹¹ Kafɔɔ nse eesi ɔsa, ni asie atansin-yɔ kɔsa. Kafɔɔ se ale ookple an-yɔ, ni akple asifi alaabla onwii ku ɔsa cuu nwu. Nkpo kafɔɔ dinaa ale osuɔtɔ lesi ɔsɔfɔ ne.

¹² Aye ba kafɔɔ niebu nii, ami omu nikɔka ye, diele Saate kufiofa kule. Nse osuɔtɔ owo lefū Yaa eenu, áyɔ ɔsanko wɔ ninanfū Yaa anu nii, eetuna ale manko nwɔ boosie, ni atansi nwɔ. ¹³ Nkpo okle kafɔɔ nse ɔsanko owo lefū Yaa eenu, áyɔ kɔsa ko ninanfū Yaa anu nii, di kɔsa nwu letuna ale manko nwɔ boosie, ɔsanko nwu atansi nwɔ. ¹⁴ Diekye ɔsa nwu ninanfū Yaa anu nii, Yaa mabla nwɔ klekle ta ɔsanko nwɔ ofū onu oso. Nkpo okle kafɔɔ di Yaa mabla ɔsanko wɔ ninanfū Yaa anu ni klekle ta ɔsa ofū onu oso ne. Nse diele nkpo kute ni babi lεma dilabate klekle. Kafɔɔ di nkpo kute ni oso, Yaa mbla babi nwu klekle.

¹⁵ Kafco, nse nwɔ ninanfū Yaa anu ni komie ale asī nwɔ niefū Yaa eenu nii, aafuo osifi fāa. Nse diɛwa ninkpo, di nle mmle suoto nni, kufiofa dienii otii wɔ niefū Yaa eenu ni. Yaa ko nikomie ale buasis di atoko ɔkye ole kame. ¹⁶ Owe ninye, loo ɔsanko wɔ ninye ni Yaa nimadiki ɔsa ankyeko sikpile kame. Nkpo kafco loo osuɔtɔ wɔ ninye ni Yaa nimadiki ɔsɔfɔ ankyeko sikpile kame ne.

Te Mmle Fate Ni Fie Di Saate Leleɛ Fɔ Ni.

¹⁷ Obiala asie nkpa di kayilakɔ ka di Saate lɛtɔɔ ni kanya ku mmle ate fie di Yaa leleɛ nwɔ ni. Nle mmle ninle lesaa le kotuo ni di nsiiisakɔ mmuu kame ne. ¹⁸ Nse feebudi lesɔkɔsɔkɔ fie di Yaa leleɛfɔ faayɔ ninkpo. Nse fayibudi lesɔkɔsɔkɔ kafco fie di Yaa leleɛfɔ, tantɔkɔ fale fookple fanaabudi. ¹⁹ Diekye nse otii lebudi lesɔkɔsɔkɔ woo, aabudi woo, diele nni niefī. Lesaa le niefī ni ninle ale, buabla lesaa le di Yaa lebue nii. ²⁰ Nioso obiala ate mmle ate ni fie di Yaa leleɛ nwɔ ni. ²¹ ɔlanle faale fie di Yaa laleɛfɔ? Diebla lesalesaa. Kafco nse osuku nkpe fɔ ale faadie di selanle nwu kame, ni faablako nwu ɔkpɛ. ²² Otii wɔ ninle ni ɔlanle fie di Saate leleɛ nwɔ nii, ntookple otii wɔ nintɔɔwɛ ni didiki di Saate kame. Nkpo okle kafco di otii wɔ ninanle ni ɔlanle fie di Saate ntɔɔlɛe nwɔ nii, ntookple ɔlanle di Saate kame ne. ²³ Yaa lata koto kple diisi lee, nkpo oso bitansinle otii kuonwii ɔlanle. ²⁴ Nkpo oso babiloo, otii biala ate fɛ mmle aate fie di Yaa laleɛ nwɔ ni.

*Akaale Ya Baakaale Ni Di Batii Ba Ninayiɔ Ni
Asa Ku Basɔfɔ Ku Bakpisɔfɔ Suoto.*

²⁵ Nunua di səlaa se biakaalə ni di batii ba ninayiyə ni asa ku basanko suoto yi, ninfū kufiofa kukunwii nkyeko Saate nfū nta ma. Kafəə əlaa wə mabue nii, ami omu disibu dile kəta nkyakaako ma, fe otii wə di Yaa lele ni sibualə, baatii letika ni anu. ²⁶ Di nunua wə mmle dibuo le ninkpe ni oso, dile ale osueto biala kasiə fe mmle asi nii. ²⁷ Nfe fayə əsanko? Tambue falə foosī nwə. Kafəə nse fayiyə kuonwii tambue falə fəyyə owo. ²⁸ Kafəə, nse feeyə əsanko, faabla okpile. Nse əsanko wə ninayiyə ni kəsa kafəə leyə kəsa,aabla okpile. Kafəə dibuo le ninsi ni səesa ku sesəfə koyə kame kaayi ka mmle, komie nle ndiki ye nkyeko ní kame.

²⁹ Babiloo, lesaa le kətəkə ye ni ninle ale, obe wə niebu ni diesimpo. Nioso dieyə ni nua diesifi nii, basueto ba ninkpe ni basəfə basiə fe batii ba ninayiyə ni basanko. ³⁰ Batii ba nikowi nii, babla fe batii ba ninoowi ni. Batii ba kafəə nikəma nii, babla fe batii ba di suoto diləcəyəcə ni. Batii ba nikəya ni asaa, babla fe asaa ya bəcaya ni diele ma ale. ³¹ Batii ba nin-ye ni kaayi ka mmle asaa əwə kanya, batan-yə anu lema baatika di asaa ya mmle suoto. Diekye kayi ka mmle asaa bionya ni mmle okle, mafe di obe kakui kame.

³² Komie nle biadiə disibu di asaa ya mmle suoto. Diekye osueto wə ninan-yə ni əsanko, n-yə anu antika di Saate əkpə suoto, diekye ammie ale oobuo Saate nwu anu. ³³ Kafəə osueto wə nin-yə ni əsanko n-yə anu antika di kayi ka mmle asaa suoto. Diekye ammie ale əcbla lesaa le nimabuo ni cən cəsəcə anu. ³⁴ Nni nkpo oso, asaa ya mmle ntənənfi nwə antoofenko

katoo ku kala. Nkpo okle kaf   di   sanko ee kakpeeblebite ka ninayiy   ni k  sa n-y   anu cuo cu antika di Saate   kp   suoto ne. Diekye ammies osie kanya ale suoto cuo ku ninwuna cuo nimuu kabla klekle. Kaf     sanko w   nin-y   ni k  sa n-y   anu cuo antika di kayi ka mmle asaa suoto, diekye ammies ale   obla lesaa le nimabuo ni   sa cuo anu. ³⁵ Komie nle nkyakaako ye, nioso kubue selaa se mmle ne. Diele ale kufiofa kukunwii k  y   nnii ye. Kaf   komie nle biasie nkpa di osuku biene nwu suoto, ale biafuo suoto   y     ta Saate nwu lete niimu kame ku situ lee di   kp   ootsos cuo.

³⁶ Nse osuot   owo lekaale okpeele owo disi ale cuo,   enya ale oloofuo suoto olenkee, baafuo bawo   y   di mmle b  et   ni kanya. Nni diele okpile kule. ³⁷ Kaf   osuot   w   nint  obla disibu ale   y  c  l   okpeele w   b  ekaale b  et   nii, oofuo ni suoto olenkee, aafuo osie. Osuot   nwu lelolaa   bla. ³⁸ Nkpo oso oso cuo w   eeyin cuo ni   sanko, eelolaa   bla. Kaf   cuo cuo ninan-y   ni   sanko lelolaa   bla alenke.

³⁹   sanko w   ninkpe ni k  sa, nnaa osuku ale aay   k  sa bamba obe w   di k  sa cuo nkpe ni nkpa. Kaf   nse k  sa cuo lekpi, ni   sanko nwu nkpe osuku an-y   osuot   lele amb  , kaf   dikpe nii, osuot   nwu nle otii w   nief   Yaa eenu nii. ⁴⁰ Kaf   nse aasin-y   k  sa, suoto may   cuo nw   ninlenkee. Ami nkpo kobue ne. Lef   lenu nle Yaa Ninwuna nik  kpaa mi.

8

Nunua K  kakate Di Alesaa Ya Man-y   Manta

Ni Afio Ole.

¹ Nunua yi, komies nle nkakate di alesaa ya man-yo manta ni afio ole. Nwaako buye bulε, bamuu lee bikpe lesaatofo. Kafco biye bilε, lesaatofo le mmle okle nta otii ntakatesa suoto kato, kafco lebombo nta otii nkye situ². Nse otii owo lenyu ale aye lesaa, nwaako aaye fe mmle okle dikaate ale aatofo nii.³ Kafco otii wɔ nimboombɔ ni Yaa, Yaa n-ye nwo.

⁴ Nioso di alesaa ya man-yo mata ni afio ole, ole suoto yi, buye bulε afio diele lesalesaa kaayi ka mmle kamε. Buye kafco bulε Yaa onwii ko ninkpe.⁵ Mintε batii kpinwu lefū beenu ale afio ku basaate kpinwu nkpe di osi ku kaso, awo yi, buye bulε Yaa onwii lete ninkpe.⁶ Nnwɔɔ ninle Teete wɔ niebla ni asaa amuu ne. Nnwɔɔ kamε bukpe nkpa. Saate onwii kafco ninkpe dile ni Yesu Kristo. Nnwɔɔ suoto di Yaa lefe εεbla asaa amuu. Nnwɔɔ kamε kafco bukpe nkpa ne.

⁷ Nwaako kafco diele batii bamuu ninye ɔlaa wɔ mmle. Batii bawo afio ɔtɔ ntɔotε diεkaa ma diεbase bia mie ale nse beeble alesaa ya mmle okle, makple mantoonyu ale afio alesaa ale. Disibu lema nlo ma lepcɔɔ, mannyu ale batco kpo nɔnfɔsa suoto ku alesaa nwu.⁸ Diele alesaa awo ole nimata ale awo ku Yaa nteε nlalaa. Nse buosī alesaa awo ole, dielalasa lesalesaa di suoto loo. Nkpo kafco nse buoole alesaa awo, dilabata wo situ ɔkye ne.

⁹ Bilolaa binyu bilε, kayaa ka bitco wε ni dilabakple osuku ditii saa dita batii ba di ofu onu lema nnaa ni osie ale baabla okpile.¹⁰ Bu fanyu nse otii wɔ di ofu onu nɔɔ nnaa ni osie lenya otii

wə ninkpe ni lesaatofo le nintɔɔkye ni sitū kole alesaa di kafiofa, dilabata ale nnwɔɔ kafɔɔ abue ale oole alesaa ya bɛeyo bɛeta ni afiɔ ole? ¹¹ Nle mmle oso, obilee wə di Kristo lekpi εεta nii, di ofū onu nɔɔ nnaa ni osie mawɔɔ, ta ninumbe lefɔ oso. ¹² Nse diewa nkpo, ni fɔɔbla okpile fanyila di bafūbanute wo lefɔ suoto. Ni fɔɔta ale mba di ofū onu lema nnaa ni osie kofū kakɔ di situ lema kamɛ. Nse diebla nkpo kafɔɔ ni fɔɔbla okpile fanyila di Kristo suoto. ¹³ Nkpo oso nse alesaa ya male nii mata obiloo mbla okpile yi, ni madie ole. Mmle okle di obiloo dilabasimbuo ni di okpile kamɛ.

9

Tɔkyɛntε Osuku Wɔ Akpe Ni Ku ɔkpε Wɔ Beekpee Nwɔ Ni Ninnɛε.

¹ Bonyu bile ninwe didiki? Ee ninle tɔkyɛntε, sɛε ntanya Saate loo Yesu nwu? Sɛε diele aye ninle ɔkpε wɔ lɛbla lɛta ni Saate Yesu abi ya niedie eekye ni kamɛ? ² Mintε batii bawo dilooftu mi fe Saate tɔkyɛntε yi, n-ye nle aye biefū mi. Diekye onwii lee ɔbla ku Saate nwu kodiki nintuo ale nwaako Saate tɔkyɛntε nle.

³ Nse batii kɔnanfikoe ɔlaa di nle mmle suoto, nkpo nin-yɔ ndiki suoto kanya ne. ⁴ Bunaa osuku ale baata wo munle munyi di ɔkpε wɔ bɔɔbla ni kanya? ⁵ Bunaa osuku ale buakpaa basɔfɔ loo fe mmle okle di batɔkyɛntε bamba kɔbla ni ku Saate obilema ku Petro kɔbla ni? ⁶ Sɛε ami ku Barnaba ninle batii ba lete nikabla ɔkpε munnyu ni suoto kanya? ⁷ Kpete kuonwii ninta suoto koto di obe wɔ ɔɔbla ni ɔkpε di bakpεtε kamɛ.

Fekrentε biala nkpe osuku anle kofe nɔɔ kamε asaa. Babɔkεε kpate biala nkpe osuku ale aadiki babɔkεε nwu nnyεε ntu nwo aanyi.

⁸ Diele ale sitiinyu kanya kobue ɔlaa wɔ mmle, nkpo okle kafɔɔ di Yaa kufiofa lebuε ne. ⁹ Beεkpana di Mose kufiofa kukū kamε ale, "Bitanii bɔkεε wɔ biεkpaa biεkyεnko ni kofe aye ɔɔbla ni ɔkpε kanya." Bɔkεε niefi Yaa oso aabue ɔlaa nwu? ¹⁰ Awo oso di Yaa labue ɔlaa nwu! Nwaako, ɔlaa nwu awo oso baakpana nwu. Diekye otii wɔ niekpε ni kofe ku otii wɔ niefielε nii, dikpe ni mantoonyu osuku ale mma kafɔɔ, baawε alesaa nwu awo manle. ¹¹ Butɔɔpε ninwuna kamε abi buokpee ye kaamε. Ni nse ayee biεta wo suoto loo asaa, diesieko? ¹² Nse batii bamba nkpe osuku manwe lesaa makyeko ɔkyε lee, ni awo bukpe osuku wɔ mmle okle bulenke ma bia.

Kafɔɔ buayɔ nwu bublako ɔkpε. Buayɔ lesaa biala buatika di suoto buεε, mmle okle di Kristo ɔlaa biene nwu kakye ni sitū, kundu ni kakɔ biala. ¹³ Biye klekle bile batii ba nimbla ni ɔkpε di Yaa Olekatakɔ, nfa manwe lelesaa lεma ne. Batii ba kafɔɔ nin-yɔ oleɔta nwu mantika ni di oleɔta akyikye suoto, nfa di mma kafɔɔ manwe lelesaa lεma ne. ¹⁴ Nkpo okle kafɔɔ di Saate nwu lebuε εεte ale, batii ba nimbuε ni ɔlaa biene nwu kafɔɔ kawε lele lεma makyeko ɔlaa biene nwu obue kamε ne.

¹⁵ Kafɔɔ diidii nimblako osuku wɔ mmle nkpo kuonwii ɔkpε. Diele ɔkpana kɔkpana kukū ko mmle kafɔɔ nkyesee ye nlε, kofū kalekɔ nii nkyeko ɔkyε lee. Nse nninkpo oso lekpi bia,

dile mi dilenke. Diekye nomie nle lesaa le suoto kôkanta nii, otii kuonwii ayô ni amunikîisa abla selaa se ninnaa ni kôya. ¹⁶ Nnaa osuku kuonwii nkanta ta kobue ni ɔlaa biene nwu oso. Diekye kufiofa kule beekpee mi ale mbue nwu. Nse lesî nwu obue, Yaa mananfi mi kootoko. ¹⁷ Nse fe ote dite ale ami omu niediki ɔkpê wô mmle leta suoto yi, ni nta batika anu nle dikpe nii bëetee koto ne. Kafô ɔkpê kule bëeyô beekpee mi di nnëe. Yaa niyeô eekpee mi di nnëe kame ale mbla. ¹⁸ Lementota mawë? Nni ko ninle ale lebué ɔlaa biene nwu ku otu biene koto ɔtanfû, nimblako osuku wô ninkpe mi ni kafô di ɔlaa biene nwu obue kame nta suoto.

¹⁹ Nsiko suoto, ninle kuonwii ɔlanle. Kafô ileyô suoto lebla batii bamuu ɔlanle ta mmle kadiki batii kpinwu nta ni Saate nwu oso. ²⁰ Nse kôbla ɔkpê di Yuda batii kame, mbla asaa fe Yuda otii nle, mmle kafuo ma ni odiki ɔta Saate nwu. Minte ami omu ninsi di Mose kufiofa kalô, mbla asaa fe mba ninsi ni kuufiofa nwu kalô di obe wô nsi ma ni kaame. Mmle okle kafuo ma ni odiki ɔta Saate nwu. ²¹ Nkpo okle kafô, nse kôbla ɔkpê di batii ba ninanle ni Yuda batii kame, mbla asaa fe mma, mmle okle kafuo ma ni odiki ɔta Saate nwu. Nle mmle dilootuo ale nioso noole Yaa kufiofa nwu. Diekye nwaako, Kristo kufiofa kalô nsi. ²² Nse nsi di batii ba di ofû onu lema lewa ni kasô kame, mbla suoto fe onwii lema mmle okle kafuo ma ni odiki ɔta Saate nwu. Ta nle mmle oso, ntookple lesaa lele leta batii bamuu di osuku biala suoto mmle okle kafuo ni batii bawo odiki ɔta Saate nwu. ²³ Mbla asaa ya mmle amuu ta ɔlaa biene nwu nkpo oso, ale kawë dikusékuse le ninsi ni kaame.

²⁴ Aye bamu biye klekle bile, nse batosotε kotoso otoso kaatosokɔ onwii pe ninlenkee anfū disi. Nkpo oso bitoso otoso biene biefū disi. ²⁵ Otii lele nikololaa suoto anta otoso, nwakosa suoto kasɔ anfe di ləlanfi kamε ale aafū lelenkee koto le ninankle fie ninlalaa nii. Kafɔɔ awo buololaa suoto munta lelenkee koto le ninanlalaa ni diidii. ²⁶ Nkpo oso kotoso tinini nlε kobudi okū ne. Nkpo oso nle otii wo ninanfuki akłokłoε nii nkpee ni kɔɔfεfɔ kamε kasakasa ne. ²⁷ Nkpo oso ninkpee otu nfū akłokłoε siene diibuo kamε ne. Ale nse ntooloo ɔlaa biene nwu obue ɔta batii yi, balaatɔko mi ale ninlolaa mbla.

10

Paulo Lakpee Ma Kufiofa Di Afio Ole ɔta Suoto.

¹ Babiloo, komie nle binyuma lesaa le niawa ni di bawa loo ba niatikanko ni Mose suoto. Bamuu lema baaside di dituntū nwu lekpaa kalo. Baafe kafɔɔ buεε di lekpo sεele kamε. ² Di dituntū nwu ku lekpo sεele nwu kamε baakpeesa ma Yaa ntu fe Mose batikankotε ne. ³ Bamuu lema niale ninwuna nwu kamε alesaa okle onwii. ⁴ Baanyi kafɔɔ ninwuna kamε ntu okle nnwii. Niwuna kamε difuɔnkpaα le niatikanko ma ni kamε ntu baanyi. Difuɔnkpaα nwu niale Kristo nwu omu ne. ⁵ Bia di obe nwu nkpo kamε, suoto ditayɔɔ Yaa di bawo nkpa suoto. Nkpo oso, baakpi di lekpεnyi kasɔ nwu suoto.

⁶ Nnya mmle nle ɔtε onyu diεta wo ale, diaka wo ale okpile ɔbla dilasinklee wo ɔkɔnsɔ fe mma, ⁷ ee buyɔ suoto buta afio oleɔta fe mmle baawo labla nii. Fe mmle Koɔkpana Klekle lebuε ni ale,

"Batii ba mmle lesi ale boole dii, kafco diεbakple ma nta onyi osie ɔsaabla ku lεsɔnɔkpee katū."

⁸ Bitanta buayɔ suoto buakpee di lεsɔnɔkpee ɔsaabla kame fe mmle di bawo labla ni di batii nkpe afosi anyɔ nkpe ntie lakpi dii kufi. ⁹ Dinaa ale buɔɔɔ Saate buonyu fe mmle baawo labla nii, di asaanwu lanu ma baakpi nii. ¹⁰ Bitanta buadiki kanya di Yaa suoto fe mmle baawo labla ni di Yaa tɔkyente wɔ ninkle ni kukpi labawɔɔsa ma nii.

¹¹ Asaa ya mmle amuu lawa ma di suoto fe ɔtε onyu diεta batii bule. Bεεkpana nya bεεte ale, aaka wo. Diekye nfε busi di obe wɔ kame di kayi nfε mawa ni kaloo. ¹² Nle mmle oso otii lele nikonyu ale aye osie kanya, alolaa anyu ale aatuula anɔɔ ¹³ ɔsɔ onyu lele kame bitooyife, nwunwu okle ke nintooyiwa baatii suoto nε. Kafco Yaa mabla di ntam nɔɔ suoto ale, alabata basɔ ye banyu, baleenkeesaa osie wɔ ninkpe ye nii, ale bianɔɔ. Di obe wɔ bisi ni di ɔsɔ onyu kame, abakpee ye osie ale bialeenkee nwu, antuo ye osuku wɔ biafe mindie nwu ni kaame.

¹⁴ Nkpo oso babiloo, bisi afiɔ ɔtɔ. ¹⁵ Kɔkakate nta ye fe banumbente. Aye bamu bibu ɔlaa wɔ kɔtɔkɔ ye ni binyu. ¹⁶ Opū wɔ munyɔ mumpε ni Yaa sefa di Saate opunu katū ɔkyε. Nse buonyi ntɔ nwu yi, ni butɔɔbla onwii ku Kristo. Bloblo wɔ kafco munfee munle ni alesaa klekle nwu, kotuo onwii loo ɔbla ku Kristo nwu. ¹⁷ Mintε bupo yi, suoto sina sinwii pε bule. Diekye bloblo onwii bamuu loo munle.

¹⁸ Bibu Israel batii nwu binyu, batii ba ninle alesaa ya man-yɔ mata ole manta ni Yaa, bεεbla

onwii ku nnwɔɔ. Diekye nnwɔɔ manta ole asaa nwu manta di oleɔta akyikye nɔɔ nwu suoto. ¹⁹ Ni bienyu bile, obue kobue nle asaa ya manyɔ mata ni afiɔ ole lesaa biene dile, εε afiɔ amu lesaa biene dile? ²⁰ Oowo! Olaa wɔ kobue ni ninle ale lesaa lele bɛɛyɔ bɛɛta afiɔ ole kamaa, anwuna kpile bɛɛyɔ bɛɛta ole bɛɛta. Diele Yaa bɛɛyɔ bɛɛta ole. Nioso noomie nle bibla onwii ku anwuna kpile nwu nkpo. ²¹ Díele ale bianyi di Saate opū kame minkple minaanyi di anwuna kpile kafɔɔ opū kame. Nkpo kafɔɔ ninanle ale buale alesaa di Saate opunu katū munkple munaale di anwuna kpile olekatakɔ nε. ²² Sεε biomie bile Saate nwuanya ɔblɔ aakpε sesɔfɔwo? Sεε bionyu bile bikpe osie bilenke Yaa?

²³ Batii mbue ale, "Bɛɛta wo osuku ale buabla lesaa lele." Nkpo kute nε. Kafɔɔ lesaa lele mumbla, diele amuu ninle ata wo. Bɛɛta wo osuku ale, buabla lesaa lele. Kafɔɔ diele lesaa lele ɔbla ninwako wo sitū ɔkye. ²⁴ Kuonwii atammie lete nɔɔ lete nɔɔ lele, kafɔɔ amie bawo nɔɔ lele kafɔɔ.

²⁵ Bikpe osuku min-ya sina lele boosunsū di asaa kayakɔ minle. Bitanta situ lee kafɔɔ lalo ye lɛpɔɔ ale biatɔɔkaale bile sieklekle εε, sεε sieklekle. ²⁶ Diekye bɛɛkpana di Kɔkpana Klekle Kukū kame ale, "Kayi ka mmle ku asaa ya amuu ninsi ni kaame Saate nimba."

²⁷ Nse otii wɔ ninanfū anu ni lɛlɛs ye ale bibaleko nwɔ alesaa, bietuna bile biɔkye, lesaa lele bɛɛwa bɛɛta ye ale bile yi, bile. Bitanta otu lee lalo ye lɛpɔɔ ale biatɔɔkaale bile, be lesaa dile

fie biale. ²⁸ Kaf   nse otii owo l  t  k   ye ale b  eey   alesaa ya mmle b  eta af   ole yi, ni bitanle alesaa nwu nkpo. Di mmle okle di otii w   ni  t  k  f   ni   laa nwu nkpo otu no   dilabalo nw   ni lep  . ²⁹ Diekye diele af   w   niele ni alesaa nwu otu nimalo f   lep  , kaf   otii w   ni enya eebue nii otu nimalo nw   lep  . Otii owo makaale ale, "Be oso di osuku w   nkpe mbla ni lesaa katoolo otii owo lep   di otu kame ale, diatii mi osuku ku lesaa nwu obla? ³⁰ Nse lepe Yaa sefa di alesaa nii suoto, be lesaa oso baakple manlo mi lep   di lesaa le suoto lepe ni sefa?"

³¹ Kaf   binyu bile lesaa lele bi  bla, ole biole woo, onyi bionyi woo, biabla amuu ale, diawako Yaa letansa. ³² Bitanta osaabla lee lawolaa batii ba ninle ni Yuda batii ku mba ninanle ni Yuda batii ku baf  banute kaanya. ³³ Bibla fe mmle nimbla ni lesaa biala. Mmi   nle kabuo batii bamuu anu di lesaa lele k  bla suoto. Nimmie lete nii lete nii lele, mmi   batii bamba kpinwu kaf   lele, mmle okle baaw   ni didiki.

11

¹ Bitekete mi nkpa disiebi fe mmle kotekete ni Kristo nkpa disiebi.

Kristo Ninle Otii Biala Disi.

² K  tansa ye, diekye bionyuma mi obe lele, biemuf   kaf   asaa otuo ya latuo ye nii bikle bi  bla ko nya   k  re.

³ Kaf   komie nle binu kas   klekle bile, Kristo ninle osu  t   biala disi. Osu  t   kaf   ninle   sc   disi. Yaa kaf   nle Kristo disi. ⁴ Nkpo oso osu  t   biala nimpe   laa anta Yaa, ee nimbu   Yaa   laa

biene nwu di Yaa Olekatakɔ, εεyc lesaa eetii disi kokpee Kristo sinunso. ⁵ ḥsankɔ lele kafɔɔ nimpɛ ɔlaa ata Yaa, ee ambue Yaa ɔlaa biene nwu di Yaa Olekatakɔ anan-yɔ lesaa aatii disi kokpee ḥsa sinunso. Ote ko dite fe osankɔ wɔ nienwies ni disi. ⁶ Nse ḥsankɔ dilabayɔ lesaa atii disi, ni aanwies. Kafɔɔ di obe wɔ dile sinunso dieta ḥsankɔ ale aanwies ni disi oso, dikpe nii, an-yɔ lesaa antii disi. ⁷ Dinaa ale osuɔtɔ kayɔ lesaa antii disi, diekye Yaa lebla nwu di letembi nɔɔ kanya. Nnwɔɔ kafɔɔ nikodiki Yaa leklekle antuo. Kafɔɔ ḥsankɔ ndiki ḥsa leklekle antuo. ⁸ Diekye diele ḥsankɔ kame di Yaa labla osuɔtɔ aakyeko. Kafɔɔ osuɔtɔ kame di Yaa labla ḥsankɔ aakyeko. ⁹ Diekyakaa nii diele ḥsankɔ oso di Yaa labla osuɔtɔ. Kafɔɔ osuɔtɔ oso di Yaa lebla ḥsankɔ. ¹⁰ Di Yaa batɔkyente oso, dikpe nii ḥsankɔ letika lesaa diisi, diatuo ale asi ni di ḥsa kalɔ.

¹¹ Di awo bafūbanute loo nkpa disisbi kame, ḥsankɔ ninkyɛ ale osuɔtɔ diesi kaamɛ, nkpo kafɔɔ di osuɔtɔ ninkyɛ ale ḥsankɔ diesi kaamɛ ne. ¹² Diekye fe mmle bɛɛbla ḥsankɔ beekyeko ni osuɔtɔ kame, nkpo oso kafɔɔ di ḥsankɔ ninlofo osuɔtɔ ne. Yaa nfū di asaa ya mmle amuu lekye.

¹³ Aye bamu bibu binyu, dile ale ḥsankɔ kapɛ ɔlaa anta Yaa ale alaatika lesaa diisi? ¹⁴ Di Yaa lebla ni asaa, diotuo ale nse osuɔtɔ nkpe disi sinwini kyɔnkyɔlɔ sinunso lesaa dile. ¹⁵ Kafɔɔ nse ḥsankɔ disi sinwini lekaana nkpo, sekpeeple dile ditɔɔ. Diekye Yaa nietɔɔ disi sinwini kaanale nwu nkpo ale diale nwɔ disi ditiiisaa. ¹⁶ Kafɔɔ nse otii owo komie ale ananfi ɔlaa di nle mmle suoto, lesaa le ko komie nle mbue ni ninle ale,

awo ku Yaa nsiisakɔ mmuu diesintuna di osuku bamba kuonwii suoto.

Saate Opunu Katū Alesaa Klekle Nwu Ole.

¹⁷ Di ɔlaa wɔ kamabue ntɔkɔ ye ni nunua yi, nwaako, nootansa ye. Diekye nse biesi di nsiisakɔ lee bile biosumu Yaa yi, ɔsaabla lee nintuo fe bafūbanutε biene, kafɔɔ fe balalaale. ¹⁸ Diekye lekasale, ntoonu ale nse biesi fe bafūbanutε, biesε bawo akudi akudi. Dite mi fe ɔlaa wɔ mmle nte nkpo. ¹⁹ ɔlaa ɔnanfi kuonwii nnaa, dikpe ni kase nwu nkpo okle lesie ye kaame, ni baatii mayɔ mantofo bafūbanutε biene ba ninsi ye ni kaame mante nsū ne. ²⁰ Nse biesi dikudi, diele Saate Opunu katū alesaa klekle nwu ole oso minsi. ²¹ Diekye nse生物, minsoko bawo fie di obiala n-yɔ alesaa nɔɔ ankyako ole. Nle mmle nta ale kɔɔka nkle ni bawo, bawo kafɔɔ ntoonyi nta boosie. ²² Binaa aye bamu lee ayo ya kame biasie minle minyi ni? Sεε bionyu bile Yaa kasiisakɔ diedie ye lesalesaa, nioso biomie bile biokpee batii ba lesalesaa nnaa ni sinunso? Be biomie bile ntɔkɔ ye di ɔsaabla wɔ mmle nwu nkpo suoto. Letansa? Oowo! Diidii naatansa ye di ɔsaabla wɔ mmle okle suoto.

²³ Diekye lesaa le lefū lekyeko ni Saate nfū yi, nni kɔyɔ ntuo ye ne. Di kakye ka baadiki Saate Yesu baata nii, aayɔ bloblo, ²⁴ ni aape Yaa sefa ne. Ni aafee, aayɔ aata ma, aabue ale, "Nle mmle ninle suoto nii sina se bεεyɔ bεεta ni diisi lee ne. Bibla nle mmle, bieyɔ bitoonyuma mi." ²⁵ Nkpo okle kafɔɔ, di alesaa nwu nkpo kamaa, aayɔ opū nwu, ni aabue ale, "Opū wɔ mmle ninle kanya ninii fɔle le di Yaa lεyɔ ntɔ nii eese ni kaanya ne.

Obe lele bienyi di opū wō mmle nwu kame bieyō bitoonyuma mi."

²⁶ Nle mmle kotuo ale obe lele biele bloblo wō mmle, bienyi di opū wō mmle kame, bioodiki Saate nwu kukpi mimbuə dielaase di obe wō eewa ni kame.

²⁷ Nkpo oso nse otii owo lele bloblo wō mmle owo, ee eenyi di opū wō mmle kame di osuku wō ninansieko nii, eekpi ləpōo. Diekye εεbla okpile di Saate suoto sina ku ntō nōo nwu suoto.

²⁸ Nle mmle oso, otii biala alekatū abuo di suoto nōo kame ləkasale fie, aale bloblo nwu, aanyi di Saate nwu opū kame. ²⁹ Diekye nse otii owo diebu lesaa le di Saate suoto sina nwu nle nii fie eele bloblo nwu, ee eenyi di opū nwu kame, ni eele, eenyi ləkanko εεta suoto. ³⁰ Nni nkpo oso di batii lee bawo ləwakasō, bawo kofie, bawo kafōo ntookpi ne. ³¹ Nse fē butababuo di suoto loo kame munnyu ləkasale, nse butaabuo di Yaa ləkanko kame. ³² Kafōo Saate ləkanko wo εεnanfi wo kootoko, mmle okle di Yaa dilaasinlo wo ni ləpōo ku batii ba ninanfū banu nii.

³³ Nkpo oso, babiloo, nse biesi bile bioole Saate opunu katū alesaa nwu yi, biesoko bawo lee.

³⁴ Nse kōka nkle otii owo, aale alesaa leeyo, mmle okle di Yaa dilabakanko ye ni, nse biesi fē le mmle okle. Selaa se niebu ni yi, se ləwa nfa yi, bubayεntε sī omumufū.

12

Atasaa Ya Niekye Ni Ninwuna Klekle Nfū.

¹ Babiloo, di Yaa Ninwuna kame atasaa suoto yi, noomie nle lesalesaa kuninwii diwofa ye.

² Biye bile di obe wɔ minanye ni Yaa, biayu di sisuku ate ate suoto bialaatɔɔtɔ afiɔ ya ninnaa ni nkpa. ³ Nioso komie nle bitofo bile, otii wɔ di Yaa Ninwuna kɔkpaa nii, dilabafuo “Lekpaani ɔlaa obue di Yesu suoto.” Nkpo kafɔɔ di otii kuonwii dilabafuo odiki obue ale, “Yesu ninle Saate,” diediki Yaa Ninwuna nikɔkpaa nwɔ.

⁴ Yaa Ninwuna kamɛ atasaa ate ate ninkpe, kafɔɔ Ninwuna ninwii nwu ninta nya. ⁵ Sisuku ate ate mumbla sekpre, kafɔɔ Saate nwu onwii mumbla sekpre mutua. ⁶ Sekpre ɔbla ate ate ninkpe, kafɔɔ Yaa onwii nwu ninkpee batii bamuu osie mambla simuu.

⁷ Letasaa lele di otii biala nkpe, Yaa Ninwuna niata otii nwu ale diale lskyakaako ninta batii bamuu. ⁸ Otii owo nnwɔɔ, Yaa Ninwuna letɔɔ letasaa le nimatɔɔ antofo ni lekakate di ninumbe kamɛ diefe ni di Ninwuna suoto. Otii owo kafɔɔ, Ninwuna nwu letɔɔ letasaa le nimatɔɔ antofo ni lekakate ku lesaatofo diefe ni di Ninwuna nwu suoto. ⁹ Otii owo εεtɔɔ ofū onu diefe ni di Ninwuna nwu suoto. Otii owo kafɔɔ εεtɔɔ osie wɔ man-yɔ man-yɔɔsa ni ofie, diefe ni di Ninwuna nwu suoto. ¹⁰ Ninwuna nwu kafɔɔ ninta otii bamba osie ambla sekpre se niɛbla ni ɔkpre. Otii bamba kafɔɔ εεtɔɔ osie ale aabue Yaa ɔlaa wɔ bɛɛyɔ beekpee nwɔ ni ninnɛɛ. ɔbamba kafɔɔ bɛɛtɔɔ osie ale aatofo atasaa ya niekye ni Yaa Ninwuna nfū ku n-ya ninankye ni Yaa Ninwuna nfū. ɔbamba kafɔɔ bɛɛtɔɔ osie ale aakakate di sele ate ate kamɛ. ɔbamba kafɔɔ bɛɛtɔɔ osie ale aadiki sele ate ate kasɔ. ¹¹ Yaa Ninwuna ninwii nwu nimbla asaa ya mmle amuu, anse atasaa nwu ate ate anta otii biala fɛ

mmle dile nwɔ nii.

Kristo Suoto Sina Sinwii Ku Mblakɔ Ate Ate.

¹² Kristo nte fɛ otii suoto sina ninkpe ni aba ate ate. Mintɛ suoto sina sinwii sile, bɛɛbla aba ate ate bɛɛkaasa sī di suoto. ¹³ Nkpo okle batookpeesa bamuu loo Yaa ntu di suoto sina sinwii nwu kame diefe ni di Yaa Ninwuna ninwii nwu suoto ne. Mintɛ Yuda otii fale woo, kale bamba otii fale woo, ɔlanle fale woo, ee fasiko suoto. Ninwuna ninwii nwu kafɔɔ ntu bɛeta bamuu loo buonyi ne.

¹⁴ Diekye suoto sina nwu nkpo, diele lesaa ninwii ko dile. Kafɔɔ aba ate ate kpinwu beesiisa bɛɛbla sī sinwii. ¹⁵ Nse kɔkpaa lebuɛ ale, “Obe wɔ ninanle ni kɔnɛɛ oso, ninkyakaa di suoto sina nwu suoto yi,” ninkpo dilootuo ale nwaako kuole suoto sina nwu kakye kawo. ¹⁶ Nkpo kafɔɔ nse kotoko lebuɛ ale, “Obe wɔ ninanle ni ninu oso, ninkyakaa di suoto sina nwu suoto yi,” ninkpo dilootuo ale nwaako kuole suoto sina nwu kakye kawo. ¹⁷ Ni nse suoto sina nwu simuu nle ninu ninwii, lɛ dibabla fie abafuo lesaa lewo onu? Nse kotoko kafɔɔ di suoto sina nwu nle, lɛ dibabla fie abafuo lesaa lewo ofūfū onu? ¹⁸ Nse biete anu bienyu, bibanya bile Yaa leyɔ suoto sina aba ate ate ɛɛkyasa baawo, ɛɛbla suoto sina nwu simuu fɛ mmle omie ale site nii. ¹⁹ Nse simuu lesaa ninwii dile, ni se suoto sina nnaa. ²⁰ Fe mmle biɔnya nii, aba ate ate ninkpe sī, kafɔɔ, suoto sina sinwii sile.

²¹ Ta ninkpo oso, ninu dilabafuo kɔnɛɛ ɔtɔkɔ ale, “Noomie fɔ di lesalesaa nii kamɛ.” Nkpo okle kafɔɔ diisi dilabafuo kɔkpaa ɔtɔkɔ ale, “Noomie fɔ di lesalesaa nii kamɛ ne.” ²² Lebamba kafɔɔ

ninle ale, suoto sina aba ya niɛwakaso alenke nii, nse anaa wo di suoto, bulabafuo ləsaləsaa ɔbla. ²³ Aba ya kafɔɔ buonyu bule aafī nii, nnya ninle aba ya munlolaa munklee ni nwaa ne. Aba ya kafɔɔ buɔnya bule ɔlɔɔle ni onyu munkleklesa aba nwu osie kanya bule aale onyu, ²⁴ mundiɛ aba ya nikɔle ni onyu. Yaa omu niesiisa suoto sina nwu nkpo εeta ale, buaayɔ dibu monta aba ya ninɔɔle ni onyu. ²⁵ Εεbla ni nkpo ale kase kukanwii dilaasie di suoto sina nwu nkpo suoto, ale leba biala kalolaa owo nɔɔ anklee ku dibu. ²⁶ Nse suoto sina kakye kawo konu dibuo, suoto sina nwu aba bule kafɔɔ nnu dibuo. Nse bεetansa suoto sina nwu kakye kawo, suoto sina nwu aba bule kafɔɔ nnya suoto lεyɔɔ.

²⁷ Nkpo oso, bamuu lee niesi biɛbla Kristo suoto sina nwu nkpo, ni bile suoto sina nwu aba ate ate ne. ²⁸ Di bafūbanute kasiisakɔ yi, Yaa lεyɔ wo eese di aba ya niesiɛko wo nii. Lekasale, batɔkyɛntε, lεyɔɔfa, Yaa ɔlaa babuetete, ditiefa, basaatuotε. Ni kamaa, mba nimbla ni sɛkpε se niebla ni ɔkpε, fie di mba bεeta ni osie ale baayɔɔsa ni sifiɛ ntikanko, fie baakyakaakote, batunlete ku mba nimbuɛ ni sele ate ate. ²⁹ Diele batii bamuu ninle batɔkyɛntε, ee Yaa ɔlaa babuetete, ee basaatuotε. Diele otii biala kafɔɔ bεeta osie ale ayo abla sɛkpε se niebla ni ɔkpε. ³⁰ Diele otii biala kafɔɔ bεeta osie ale ayo ayoɔɔsa sifiɛ, ee akakate di sele ate ate kamε, ee adiki sele ate ate se mambuɛ ni kasɔ. ³¹ Nkpo oso bita situ lee sitika di atasaa ya niefi alenke ni suoto.

Asaa ya niefi alenke ni amuu ninle n-ya kɔwa

ye ni obatuo ne.

13

Paulo Lakakate Di Bafūbanute Lebōmbo Suoto.

¹ Nse kofuo sele ate ate se baatii ku Yaa batōkyente bamuu mbue ni obue, kafōo nnaa lebōmbo lēta batii, ni lekakate nii nwu nte fe lebombo ee dibi fukuti le di selo ni sī kotīsa ni atoko. ² Nse nkpe letasaa ale nfuoyaa ɔlaa wō bēeta ni kasō odiki obue, nnu awofasaa kasō, nkpe ninumbe nimuu ku ofū onu wō ninfuo ni abokote otukusa oyu di nyilakō lenya, kafōo nnaa lebōmbo lēta batii, ni nindie lesalesaa. ³ Nse bia leyō asaa ya amuu ninkpe mi ni lēta bapiite, leyō suoto nii lēta nle bakpee ɔtō, nnaa lebōmbo lēta batii, nimbla lesalesaa.

⁴ Lebōmbo nwē otu ku sufutule. Lebōmbo nnaa onumbēbēe ku suoto katoo ɔtakatesa. Nintuo suoto kafōo. ⁵ Lebōmbo nimbla otokopī, nimmie kafōo lete nōo lele ee ninnya ɔbōo wlawla. Lebōmbo nimmufū okpile wō bēcbla nwō nii aatookpee diisi kamē. ⁶ Lebōmbo nintunako di okpile suoto, kafōo annya suoto leyō di nwaako ɔlaa suoto. ⁷ Lebōmbo ninfeesa nnēe di ofū onu nōo ku osuku onyu wō ninkpe nwō ni suoto. Ankpee otu kafōo di asaa amuu kamē.

⁸ Lebōmbo nnaa kaloo. Yaa ɔlaa wō εεγō eekpee ni batii nnēe obue mafe. Sele ate ate obue atasaa kafōo nkpe, nni kafōo, dibawa kaaloo. Nse otii owo nkpe lesaatofo kafōo, obe nkpe diɔwa obafe. ⁹ Diekye lesaatofo loo ku Yaa ɔlaa obue

lətasaa le bεεyɔ beekpee wo ni ninnɛɛ diewo niimu. ¹⁰ Kafɔɔ nse ləsaa le niewo ni nimu ləbawa, ni asaa ya ninanwo ni nimu amuu mafe.

¹¹ Obe wɔ̄ lale ni obisɔ yi, latɔɔkakate fεle obisɔ, latoobu disi fεle obisɔ, latoonu selaa nsɔ fεle obisɔ. Kafɔɔ nunua ntoomuɔ nle ni osuɔtɔ yi, ntoodie abisɔnsaa ɔbla. ¹² Nunua yi, buɔnyɑ asaa tutufuu di awεwε kame. Kafɔɔ obe kɔwa, bubanya asaa anu ku anu. Ləsaa le n-ye ni nunua yi, diewo nimu. Kafɔɔ səmaa yi, manu ləsaa biala kasɔ klekle, fε mmle okle di Yaa n-ye ni amuu klekle.

¹³ Nwaako, asaa atiε ya mmle n-ya abawɛ. Nya ninle ofū onu, osuku onyu ku ləbɔmbɔ. Kafɔɔ nle niefī dilenke ni di amuu kame ninle ləbɔmbɔ.

14

Atasaa Ate Ate Ya Niinwuna Klekle Nta Nii.

¹ Nkpo oso, ləbɔmbɔ dikpe nii biewolaa osie kanya ale biɛwε. Biɛta anu lee atika di Ninwuna kame atasaa suoto. Kyenkye lətasaa le nimata minfuo ni Yaa ɔlaa wɔ̄ bεεta ni odiki obue. ² Otii wɔ̄ ninkakate ni di sele ate ate se munoonu ni kasɔ, dilɔɔkakate ata batii, kafɔɔ Yaa ɔɔkakateko. Diekye otii kuonwii ninnu ɔlaa wɔ̄ oobue ni kasɔ. Di ləkakate nwu nkpo kame, ɔɔkakate asaa wofale diefe ni di Yaa Niwuna osie suoto. ³ Kafɔɔ otii wɔ̄ nimbuɛ ni Yaa ɔlaa wɔ̄ bεεta ni nkakate anta batii, ankyakaako ma mammuɔ. Ninkpee ma osie, ankpee ma kɔnɛɛ kafɔɔ kaafutu. ⁴ Otii wɔ̄ ninkakate ni di sele se di otii kuonwii diloonu ni kasɔ yi, suoto nɔɔ lete ankyakaako. Kafɔɔ otii wɔ̄ nimbuɛ ni Yaa ɔlaa wɔ̄ bεεta nii, nkyakaako bafūbanute dikudi nwu nimuu.

5 Dilε mi ale bamuu lee biakakate di sele ate ate se di otii kuonwii diloonu ni kasø. Kaføø dile mi dibiesaa kple ale bamuu lee biawε letasaa le biafuo ni Yaa ɔlaa wø εeta ni odiki obue. Diekye otii wø nindiki Yaa ɔlaa wø bεeta ni ambue nii, lefi alenke otii wø ninkakate ni di sele ate ate se di otii kuonwii diloonu ni kasø. Diediki otii lewε ninfa abafuo ni selaa se eebue ni kasø odiki ɔta ma fie, baafñbanute dikudi nwu mawε lekyakaako.

6 Babiloo, nse lewa ɔkyε lee lekyako sele ate ate se minoonu ni kasø obue, be bibawε kaame? Bilabawε lesalesaa, diediki lediki dituosaa lewo kasø leta ye diekye ni Yaa nfñ, ee lessaatofo lewo, ee Yaa ɔlaa wø bεeta ale mbue ni, ee asaa awo otuo fie bibawε lesaa.

7 Aye bamu bibu binyu, sinu asansaa ya mansa nii, fe dikyukyoo ku basanku ba manfe ni di nkpa nncaa nya ni abafuo ni sinu ɔsa. Lε dibabla fie di otii kafuo onu wø bøøre ni otofo nse otii wø ninkøfe ni dikyukyoo ee ɔøfe ni sanku nwu dielolaa afe nwaa didie klekle? **8** Nse otii wø nikøfe ni kakpe dikyukyoo dielolaa afe nwaa dikpa køme klekle batii batofo ale kakpe ntøøwa, owe nimalolaa suoto ata kakpe? **9** Nkpo okle kaføø dibate ne. Nse biøkakate di sele ate ate se baatii diloonu ni kasø, sεelaa nwu ninankpa ni køme, owe nimana kasø? Ote dite fe køfeefø biøkakate minta. **10** Sele ate ate kpinwu ninkpe kaayi ka mmle kame, kaføø kusinwii nncaa ale batii diloonu ni kasø. **11** Kaføø nse otii diloonu sele se kobue ni kasø yi, ni ntookple ɔføø di otii nwu anu, nnwøø kaføø atookple ɔføø di anu nii. **12** Obe wø di anu lesøø ye ni di Ninwuna kame

atasaa suoto yi, bita anu asee ye di n-ya nimata bafūbanute dikudi nwu nkpo nkyc ni sītu.

¹³ Otii wɔ ninkakate ni di sele ate ate kame yi, ape ɔlaa ata Yaa ale aatɔɔ lətasaa ale aayɔ antoodiki selaa se ambue ni kasɔ. ¹⁴ Diekye nse kɔpɛ ɔlaa nta Yaa di osuku wɔ mmle suoto yi, ninwuna nii nikɔpɛ ɔlaa anta Yaa, kafɔɔ disibu nii nnaa ninfa. ¹⁵ Nkpo oso be nfɛ dikpe ni mbla? Nwaako, mapɛ ɔlaa nta Yaa di ninwuna nii kame, mapɛ ɔlaa ntɔɔ kafɔɔ di disi nii kame. Masa onu di ninwuna nii kame, masa onu kafɔɔ di disi nii kame. ¹⁶ Ni, nse fɛɛpɛ Yaa sɛfa di ninwuna kame lete, le dibabla fie di otii wɔ ninsi fɔ ni di ɔlɔɔkɔ kaasiisakɔ nwu mafuo obue ale, "Diwa kaanya," di obe wɔ onoonu ɔlaa wɔ foobue ni kasɔ? ¹⁷ Mintɛ ɔlaa wɔ fɛɛpɛ fɛɛta ni Yaa nle nwaa, batii bule kuonwii dilabawɛ lekyakaako.

¹⁸ Kɔpɛ Yaa sɛfa ale nkakate di sele ate ate se di batii ninnu ni kasɔ nlenkee bamuu lee. ¹⁹ Kafɔɔ di kasiisakɔ loo yi, ka ma miɛ nle kabue elaa fe ɛnɔɔ se baatii manu ni kasɔ, n-yɔ ntuo asaa, ninlenkee ale kakate sele ate ate se baatii diloonu ni kasɔ kakpe.

²⁰ Babiloo, bitante fe babisɔ di disibu lee kame. Kafɔɔ bibu diisi fe banɔɔfo. Di okpile ɔbla suoto yi, bite fe babisɔ. ²¹ Bɛɛkpana di Kɔkpana Klekle Kukū kame ale, Saate nwu labu ale,

"Makakate nta batii nii

diefe ni baatii ba nikobue ni sele ate ate kame.

Makakate nfenko di bafoɔ kanya kame,

kafɔɔ batii nii dilabakyɔɔ mi ɔlaa atoko."

²² Nkpo oso, sele ate ate obue lətasaa nle lessaa le bɛɛbla bɛɛta ni batii ba ninanfū banu nii, diele

bafūbanutε bεεbla bεεta. Kafcō Yaa ɔlaa wō bεεta ni odiki obue letasaa yi, bafūbanutε bεεbla bεεta, diele batii ba ninanfū banu ni bεεbla bεεta.

²³ Ta nle mmle oso, nse bafūbanutε ba mmle bamuu lebasi dikudi, di obiala lema lekyako ɔkakate di sele ate ate se kame manannu ni kasō, nse batii bamba bawo ee batii ba ninanfū banu nii, lebabuo ye kaame, biefū binu bile, balababue ale afii nfe biobuo? ²⁴ Kafcō nse obiala lee kodiki Yaa ɔlaa wō εεta ni ambue, diɛwa ale otii bamba owo ee otii wō ninanfū anu ni lewa ye kame yi, abanya sikpile nɔɔ antensū di selaa se eenu ni kanya oso. Abanya ale selaa se eenu nii, Yaa kolo nwɔ cɔdɔcɔ. ²⁵ Ni otu nɔɔ kame awofasaa madie kayi, nnwɔcɔ omu nɔɔ abare akunkyi antansa Yaa, andiki ambue ale, “N̄waako, Yaa nsi ye kaame!”

ɔsaabla Wō Nimata Ni Kasiisakɔ Kamuu Sitū ɔkye.

²⁶ Babiloo, lesaa le nlaka ni ninle ale, nse biesi dikudi bile biɔpε ɔlaa minta Yaa yi, loo otii owo nkpe onu ale ɔɔsa, otii owo kafcō nkpe lesaa ale ootuo, owo kafcō nkpe odiki otuo wō niekye ni Yaa nfū ale ooobue. Loo owo kafcō ale oodiki Yaa ɔlaa wō εεta nii ambue, di ɔbamba kafcō ale ɔɔkakate di sele ate ate kame, di ɔbamba kafcō ale oodiki ɔlaa wō beebue ni kasō yi, binyu bile, lele biɔbla yi, dibata bafūbanutε dikudi nwu nkpo sitū ɔkye. ²⁷ Nse otii owo ale ɔɔkatate di sele ate ate kame yi, batii banyɔ, nse beesii batii batie. Otii kasale abue aloo fie di ɔbamba atika, di otii owo kafcō adiki selaa se beebue ni kasō. ²⁸ Kafcō nse otii kuonwii nnaa abadiki ni

selaan nwu nkpo kasø, ni otii wø nikøkakate ni di sele ate ate se kame mananu ni kasø alo kanana ninfa, aakakate ata suoto lete ku Yaa.

²⁹ Batii banyø ee batie ba ninkle ni ɔlaa wø niekye Yaa nfñ bakakate di batii yentele kaføø babu ɔlaa nwu nkpo beebeue ni disi banyu. ³⁰ Kaføø nse otii owo lefñ odiki otuo owo eekyeko Yaa nfñ, di obe wø basi ni di kasiisakø nwu nkpo, dikpe nii otii wø nikøkakate ni leyila εεtøø osuku. ³¹ Bamuu lee biafuo Yaa ɔlaa wø εεkpee ye ni ninnøε odiki obue onwii onwii, ale otii biala katekete lesaa, anwe osie. ³² Batii ba ninkpe letasaa le manfuo ni Yaa ɔlaa wø εεta ni odiki obue, kafuo suoto lema omufñ di ɔlaa wø boobue ni kame. ³³ Diekye Yaa komie ale bubla lesaa di osuku kanya. Oomie kaføø ale baasisø di atoko økyø ole kame.

Fø mmle okle dite ni di bafñbanute nsiisakø akudi amuu kame. ³⁴ Dikpe nii basanko lelo kanana di nsiisakø kame. Baata ma osuku ale bakakate føle mmle okle di Yaa kufiofa letuo nii. Dikpe nii bæewakosa suoto kasø. ³⁵ Nse boomie ale bakaale lessaa lewo kasø banu yi, dikpe nii basa lema mankaale laayo. Diekye diebla sinunøø ale øsanko kayila antøøkakate di bafñbanute dikudi nwu nkpo anu.

³⁶ Søø økyø lee di Yaa ɔlaa nwu nkpo letaa kuokye? Søø lete lee pe nintoofñ ɔlaa nwu nkpo bienu? ³⁷ Nse otii owo kaame lee lenyu ale ale Yaa ɔlaa wø bæeta ni buetø, ee akpe Ninwuna kame letasaa lewo, dikpe nii antofo ale ɔlaa wø køkpana nta ye nii, Yaa kufiofa kule. ³⁸ Nse otii owo dieyø nwu ole di ɔlaa wø mmle suoto, ayee bitankycø nwø ɔlaa atoko.

³⁹ Nkpo oso babiloo, bita dile ye dibiesaa osie kanya ale biadiki Yaa ɔlaa wɔ εεγε eekpe ye ni di nnεε kamε mimbuε. Kafɔɔ bitantii batii ba nimbuε ni sele ata ate baatii ninnu ni kasɔ osuku. ⁴⁰ Biyɔ dibu bibla lesaa biala di osuku kanya.

15

Biyuma Lesaa Le Buofū Buonu Ni.

¹ Babiloo, nunua yi, komie nle nnyumasa ye ɔlaa biene wɔ labue latɔkɔ ye nii, biafū bianu nii, di ofū onu lee n-ye ni di ɔlaa nwu suoto osie kanya. ² Nse biemufū nwu bieklee osie kanya, bibawε didiki. Se diele nkpo, ni ofū onu lee nwu lebla kasakasa.

³ Lesaa le lafū lakyeko ni Saate nfū, nni layɔ lata ye ne. Nni ninle lesaa le niefī dilenke ni ne, ale, Kristo lakpi aata wo di sikpile loo suoto, fe mmle bεεkpana beekpee ni di Kokpana Klekle Kukū kamε. ⁴ Ni baakookaa nwɔ, kafɔɔ Yaa lakple aasenkesa nwɔ aakyeko bakpi kamε dii tiefa, fe mmle bεεkpana ni di Kokpana Klekle Kukū kamε. ⁵ Ni aadiki suoto aatu Petro ku batɔkyεntε lefosi batii banyɔ nwu nkpo ne.

⁶ Nni sεmaa, aadiki suoto aatu batikankotε nɔɔ ba di lερɔ lεma nlenke ni batii alafa anɔɔ di obe onwii kamε. Mintε batii ba mmle bawo ntookpi kaame lεma, mma ninlenke ni lekple bakpe nkpa miε. ⁷ Nni kamaa, aadiki suoto aatu Yakobo ku batɔkyεntε nwu nkpo bamuu. ⁸ Leyεntε, aadiki suoto aatu ami kafɔɔ, lanyɔɔ, fe obi wɔ di olofobee nɔɔ diiwo fie beelofo nii.

⁹ Diekye ami ninle ɔyεntε di batɔkyεntε bamuu kamε. Ninansiεko bia ale baaleε

mi ni tɔkyɛntɛ, diekye latikanko, latoolo Yaa bafūbanute di kudi nwu nkpo. ¹⁰ Kafɔɔ diefe ni di Yaa sibuale kame oso, n̄fɛ nle otii wɔ nle ni miɛ. Sibuale se eele mi ni kafɔɔ diebla kasakasa. Nkpo oso ntɔɔbla sekpe osie kanya kafɔɔ nlenke batɔkyɛntɛ bule. Nwaako dile ami omu osie lebla sekpe nwu nkpo, kafɔɔ Yaa niele mi sibuale lebla sī. ¹¹ Nkpo oso ami niɛtɔkɔ ye ɔlaa owo woo, ee mma niɛtɔkɔ ye woo, ɔlaa onwii nwu buobue nɛ. Nwu kafɔɔ biefū bienu nɛ.

Yaa Lasenkesa Kristo Aakyeko Bakpi Kame.

¹² Ni di obe wɔ buobue bulɛ Yaa lasenkesa Kristo aakyeko ni bakpi kame, le diebla fiɛ baatii lee bawo kobue ale Yaa dilabasenkesa bakpi akyeko kukpi kame? ¹³ Nse nwaako dile, ni diotuo ale Yaa ditasenkesa Kristo aakyeko bakpi kame. ¹⁴ Nse Yaa ditasenkesa Kristo aakyeko bakpi kame, ni ɔlaa wɔ lekya buoyie ni lebla kasakasa, ofū onu lee kafɔɔ lebla kasakasa. ¹⁵ Diɛkyakaa nii, diotuo ale buokple munlaa muntika Yaa, diekye buobue bulɛ, εɛtakatesa Yesu eekyeko bakpi kame. Kafɔɔ nse nwaako dile ale bakpi dilabataka bakte kukpi kame, ni diotuo ale Yaa ditasenkesa Yesu. ¹⁶ Nkpo oso, nse nwaako dile ale batasenkesa bakpi baakyeko kukpi kame, ni batasenkesa Kristo kafɔɔ. ¹⁷ Ni nse Yaa ditasenkesa Yesu akyeko bakpi kame nwaako, ni ofū onu lee lebla kasakasa, ni biekple bisi di sikpile kame. ¹⁸ Ni kasɔ̄ kotuo kafɔɔ ale, Kristo bafūbanute ba nintookpi ni leyu. ¹⁹ Ni nse kayi ka mmle kame lete bukpe osuku onyu di Yesu kame, ni ɔlaa loo kɔkpɛ nyaami kunlenkee batii bamuu.

20 Kaf   nwaako   laa kule ale Yaa lasenkesa Kristo aakyeko bakpi kam  . Nle mmle ninle letaafu   le ninkotuo ale batii ba niekpi bate nii, babasenkesa ma. **21** Diekye fe mmle di kukpi lefe ni di otii onwii suoto ku  wa ni kayi yi, nkpo okle kaf   di bakpi mataka mankye kukpi kam   diefe ni di otii onwii suoto ne. **22** Fe mmle okle di batii bamuu lekpi ni diefe ni di Adam suoto yi, nkpo okle kaf   di Yaa makple ansenkesa batii ankyeko bakpi kam   diefe ni di Kristo onwii   bla suoto ne. **23** Kaf   Yaa masenkesa otii biala di osuku w   suoto di nnw  c   omu   et   nii. Kristo ninle   kasale. Nni kamaa, obe w   abakple anwa nii, abasenkesa mba ni  y   suoto lema b  eta ni Kristo. **24** Nni kamaa, nse kayi kaloo nt  owa. Kaf   Kristo male kat   anw  csa baka, situmi ku ninwuna kame banyayilate bamuu. Nse Kristo nt  oy   s  ka kalek   nwu nkpo eekpee di Yaa w   ninle ni Ote nn  s kame. **25** Diekye dikpe nii Kristo lele s  ka dielaase di obe w   di Yaa may   balo n  c   bamuu ankpee ni di Yesu nkpa   kal  .

26 Lo n  c   yentele niebu abaw  csa ni ninle kukpi.

27 Diekye K  kpana Klekle Kuk   lebu   ale, "Yaa ni  y   asaa amuu eekpee nw   di nkpa   kal  ." Kame lekpa klekle ale, nse beebue ale, asaa amuu, nninkpo dilootuo ale Yaa w   ni  y   asaa nwu nkpo eekpee ni di Kristo nkpa   kal   kaf   nsi kaame. **28** Kaf   nse obe w   bat  oy   asaa amuu beekpee ni di Kristo lekpa   kal   beeloo yi, nni kamaa, nnw  c   omu c  n ninle ni Obi nwu, may   suoto ankpee di Yaa nwu nkpo kal  . Nw   ni  y   asaa amuu eekpee ni di nkpa   n  c   kal  .

Nse Yaa nwu nkpo ntoole sekə di asaa amuu suoto nfe.

²⁹ Nunua mō, batii ba nikofū Yaa ntu okpeesa manta ni batii ba nintookpi bεbafe nii, blesaa lesaa oso bɔɔbla nninkpo? Nse nwaako dile fε mmle baatii bawo kobue ale bakpi dilabasintaka bakyε ni kukpi kame. Be lesaa oso baatii nta mankpeesa ma Yaa ntu di bakpi disi? ³⁰ Ni awo batɔkyεntε mō, be oso di nkpa loo nsi di lεhaa kame obe lele? ³¹ Babiloo, nkyakako kukpi di nkpa nii kame dii biala nse kεεsε! Ntakatesa suoto katoo di mmle okle buɔbla ni onwii di nkpa loo kame, diefe ni di Saate loo Yesu Kristo suoto. Nkpo oso kodiki nle mmle kayi mbue klekle nε. ³² Nse batii disibu kanya lakpε ko batii ba ninte ni fε babɔkεε ba ninkpe ni kobe di Efeso mō, ni be nfasū lanya? Ni nse nwaako, blɔbatakatesa bakpi bakyeko bakpi kame, ni dikpe ni mumbla fε mmle di lεkpa ninwii lebue ni ale,
“Bita bule buwee, buonyi busie,
diekye kɔsεε buɔwa ɔbakpi.”

³³ Bitanta baakyɔnkyɔ ye. Basiewo kpile otikanko nlalaasa nkpa biene. ³⁴ Bise disibu nwaa ɔbla, biedie sikpile ɔbla. Kobue nle mmle, ta mmle sinunsɔ kakpε ye nii. Diekye batii bawo nsi ye kaamε mananye ni lesalesaa di Yaa suoto.

Paulo Lakakate Aakyeko Di Mmle Baakpi Makple Mantaka Nii.

³⁵ Otii owo makaale ale, “Lε babatakatessa bakpi mankple mamasiε nkpa? Simεnsuoto sina okle bɔɔwa ɔbawε?” ³⁶ Aye bamaakpitez! Nse biεpε alesaa kubi biekpee kaasɔ kame, kunkuntɔ

kuawε nkpa, diediki kuobuu kaasɔ kamε fie. ³⁷ Lesaa le kafɔɔ bieρε nii, alesaa kubi ko kule loo fε atitabi, ee alesaa bamba kubi kowo kule. Diele lelesaa nwu nintoomuɔ ni minkpee kaasɔ fie, ninkple nimamuɔ. ³⁸ Yaa ninta dibi nwu nkpo letembi le ninlε nwɔ nii. Nnwɔɔ ninta dibi biala kowoso nɔɔ letembi le niesiɛko kū nii.

³⁹ Asaa ya amuu ninkpe ni nkpa, diele suoto sina okle onwii ninkpe nya. Batii nkpe suoto sina lεma lete. Babɔkεε kafɔɔ nkpe suoto sina lεma lete. Bakansie kafɔɔ nkpe suoto sina lεma lete, fie kɔɔkpaku kafɔɔ nkpe suoto sina lεma lete.

⁴⁰ Osi asaa nkpe. Ni kaasɔ ka mmle asaa kafɔɔ nkpe nε. Osi asaa lεlε lekyi lete di kasɔ ka mmle asaa lεlε suoto. ⁴¹ Kufi nkle lεkpa nɔɔ lete, ni kɔɔwente kafɔɔ nkle lεkpa nɔɔ bamba nε. Awentrεbi kafɔɔ lεkpa lεma lekyi lete. Di awentrεbi kame bia, mmle okle di dibiala nkpa nii lekyi lete di lewo nini kamε.

⁴² Nkpo okle diɔwa ɔbate di obe wɔ di Yaa matakatesa bakpi mankple manwa mamasie ni nkpa nε. Nse beekookaa otii kpi, anklee ambuu. Kafɔɔ nse bεesenkesa nwɔ, alabasinle kpi. ⁴³ Fie babakookaa ni kpi, anlε onyu, anwε ɔnyεε kafɔɔ. Kafɔɔ nse beesenkasa nwɔ, nfε anlε onyu, anwε osie kafɔɔ.

⁴⁴ Nse beekookaa nwɔ, suoto sina ko sinle, kafɔɔ nse bεesenkesa nwɔ nfε ankple ninwuna kame otii. Nse kayi suoto sina nkpe, ni bitofo bilε ninwuna kame suoto sina kafɔɔ nkpe. ⁴⁵ Diekye disi di Kɔɔkpana Klekle Kukū kamε ale, “Otii kasale wɔ ninle ni Adam yi, Yaa labla nwɔ aatɔɔ nkpa fε otii kaayi.” Kafɔɔ Adam yεntεle ninle

ninwuna le ninta ni nkpa. ⁴⁶ Diele ninwuna kame lele ninle katū, kafččo suoto sina kame lele niakasa ɔwa. Nni kamaa, fie di ninwuna kame lele lawa. ⁴⁷ Adam kasale di Yaa labla nii, kote kameaabla nwɔ aakyeko. Kafččo Adam nyɔɔfa nnwɔɔ, osi aakyē. ⁴⁸ Batii ba ninsi ni kaasɔ suoto nte fe otii wɔ bɛɛbla beekyeko ni kote kamekaasɔ. Nkpo kafččo di batii ba niekye ni osi, nte fe otii wɔ niekye ni osi ne. ⁴⁹ Fe mmle okle bukpe ni otii wɔ bɛɛbla beekyeko ni kote kame letembi, nkpo okle kafččo di otii wɔ niekye ni osi mata ale munwɛ letembi nɔɔ ne.

⁵⁰ Babiloo, lesaa le ko kobue ni ninle ale, suoto sina ku ntɔ dilabawɛ dibia di Yaa sekə kaleko. Lessaa le kafččo nintɔɔlalaa nii, dilabafuo lesaa le ninanlalaa ni kayilakɔ ofū.

⁵¹ Binu owofa laa wɔ mmle, diele bamuu loo nimakpi, kafččo nse dikyukyoo yɛntele lefɛ, nfanwu, Yaa makyelensa bamuu loo letembi. ⁵² Ababla nle mmle fe mmle mampe onumpoo plɛ. Diekye nse dikyukyoo nwu nkpo lefɛ, Yaa mkple ansenkɛsa bakpi manamasinkpi ni diidii, nse atɔɔkyelensa bamuu loo letembi. ⁵³ Diekye lesaa le letembi ninlalaa nii, babakyelensa ni letembi nimakple lesaa le leetembi nɔɔ dilabasinlalaa nii. Lesaa le ninkpi ni kafččo, abakyelensa ni nimakple lesaa le ninamasinkpi nii. ⁵⁴ Nkpo oso nse asaa ya mmle lebawa kaanya, bɛɛkyelensa asaa ya ninlalaa nii lebakple asaa ya ninamasinlalaa nii, ni se Kɔkpana Klekle Kukū kame selaa beebue ale, "Batɔɔwoɔsa ni kukpi, beelenkee kū kenke!" ntɔɔwa kaanya nwaako.

55 “O kukpi, fe di sekə lefə ole nkpe?

ɔfə di osi lefə wɔ fan-yɔ fambla ni batii amumu nkpe?”

56 Okpile suoto kuukpi nwɛ osie ambla otii amumu. Osie wɔ kafɔɔ ninkpe ni okpile lekye kufiofa nnɛɛ kame. ⁵⁷ Kafɔɔ buɔpɛ Yaa sefa. Nnwɔɔ nieta ale buɔwɛ lelenkee diefe ni di Saate Yesu Kristo suoto.

⁵⁸ Nkpo oso, babiloo, biyila osie kanya, bitankpankpa. Bikpee okyiini biebla Saate nwu ɔkpɛ obe lele. Diekye biye bile ləsalesaa kuniwii nnaa bibabla ni di Saate ɔkpɛ kame ale diebla ni kasakasa.

16

Bafūbanute Labla Yaa Batii Sifutule.

¹ Nunua, di koto okū lekye ɔyɔ ɔkyakaako bafūbanute bamba yi, fe mmle latɔkɔ ni nsiisakɔ be ninkpe ni di Galatia kassɔ suoto yi, ayee bibla nkpo. ² Kɔsida biala yi, otii obiala adiki koto kowo ate di lessaa le ɛɛwɛ ni kanya di ɔkpɛ wɔ εεbla ni kame. Ni dilabasinle ale mawa mabuo fie bibakyako koto okū. ³ Nse lebabuo yi, makpana kukū nkpee di batii ba biediki ninneɛ kame bile, bayɔ asaa lee ya biekū ni basifiko ni Yerusalem. ⁴ Nse diefi ale amii kakye yi, ni bubakyɛ kɔkpaa kunwii munsifi.

Paulo Disibu.

⁵ Mafe di Makedonia fie kamawa ɔkye lee, diekye dikpe nii lefe ninfa. ⁶ Dite fe male ayi aseɛ awo di ɔkye lee. Loobia lewɔɔfɔ obe nwu kamɛ fie, mawɛ ninfa, mmle okle biafuo mi ni osuku odiki nsifi ni kakɔ lele dikaate ale kakye

nii. ⁷ Nunua yi, noomie nle nnya ye ko nwaalə nfe. Komie nle nsie di ɔkye lee kεεkε nse Yaa letuna.

⁸ Masié di Efeso ninfū, dielaase di Pentekoste dii nwu suoto. ⁹ Osuku biene onwii lεsεkεtε kuɔtεsε ale kabla ɔkpε finle onwii, kunte batii ba niɛtaka bayε mi ni di suoto mpo.

¹⁰ Nse Timoteo lεbabue ye ɔkye, bielolaa nwɔ bifū nwaa. Diekye ɔɔbla ɔkpε anta Saate nwu fe mmle okle di ami kafɔɔ kɔbla nii. ¹¹ Kuonwii atannyu nwɔ nyakatāa. Kafɔɔ bidiki nwɔ osuku ale aape ankple anwa ɔkye nii di atoko ɔkye ole kamε. Diekye konyu nwɔ osuku nle aape ankple anwa manko bafūbanute wo nɔɔ.

¹² Nunua di obiloo Apolo suoto yi, ntookpee nwɔ ɔnyee osie kanya nle awa ɔkye lee ku babiloo bawo abanyu ye, kafɔɔ ayinu suoto kasɔ ale ɔɔwa di obe wɔ mmle kamε. Kafɔɔ lefū lenu nle, nse εebawε osuku abawa.

Paulo Selaa Yentele.

¹³ Bita anu lee ate kesekese, biemufū ofū onu lee biklee osie kanya. Biekpee otu, biɛwε osie kafɔɔ. ¹⁴ Biɛbla sɛkpε lee simuu ku lεbɔmbo.

¹⁵ Babiloo, biye Stefana ku leyo nɔɔ batii. Mma niale batii kasale ba niakyisa ni situ di Akaia kasɔ ntεsε nwu, ninfa. Baayɔ suoto lema kafɔɔ baata bafūbanute faa, baabla sɛkpε baata ma. Babiloo, kotikiti ye lekoto nle, ¹⁶ biayɔ dibu minta batunletε ba mmle ku batii bamba ba nikɔkyakaako ma ni di ɔkpε nwu nkpo kamε.

¹⁷ Suoto kɔyɔɔ mi ale Stefana ku Fotunato ku Akaiko lεwa bεbabuo buεε, ote diate mi fe aye lanya. ¹⁸ Bεεta ale lekple lεwε osie fe mmle okle

beekpee ye ni osie. Nwaako, batii fe mba mmle okle lesieko dibu.

¹⁹ Nsiisakɔ be ninkpe ni di Asia kasɔ ntɛɛ nwu kɔsɛesa ye biene biene. Akwila ku Priskila ku dikudi le ninsi ni leeyo lɛma kafɔɔ kɔsɛesa ye biene biene di Saate leyooto kamɛ. ²⁰ Babiloo ba bamuu ninkpe ni ninfū kɔsɛesa ye biene biene.

Biseesa bawo ku nnɛɛ okpee ku lɛbɔmbɔ fe babilema.

²¹ Ami, Paulo omu, niɛyɔ kɔnɛɛ nii kɔpana lɛsɛesa le mmle nkyesee ye. ²² Otii lele ninambɔmbɔ Saate nwu, lɛkpaani ntika nwɔ di suoto! Saate loo, wa!

²³ Saate Yesu Kristo sibuale disiɛko ye. ²⁴ Leyɔ lɛbɔmbɔ lɛta di Yesu Kristo leyooto kamɛ. Diwa kaanya.

Yaa Kanya Ninii Føle Selεε

Selεε: Yaa Kanya Ninii Føle Selεε New Testament

copyright © 2008 Wycliffe Bible Translators, Inc.

Language: (Selεε)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 22 Feb 2024 from source files dated 29 Jan 2022

b86b27c9-33ee-5380-a452-244df2dc60c6